



六十

萬曆廿二年至廿五年

國權

甲午萬曆二十二年

正朔辰朔 上不朝

甲申寧鄉縣地震

乙酉河津稷山地震

戊子湖廣按察僉事江東之為南京光祿寺少卿

庚寅順天府丞譚希思為右僉都御史巡撫四川

起太子賓客禮部左侍郎兼翰林院侍讀學士沈一貫為南

鹽官談遷孺木著

京禮部尚書

辛卯南京禮部右侍郎習孔教改南京吏部

右軍都督府都督僉事李如柏添註五軍營副將

甲午衛府商河王載臻薨

命大學士王錫爵趙志臯張位提調宮臣禮部左侍郎范謙
翰林脩撰李庭機唐文獻焦竑編脩鄒德溥郭正域全天叙
簡討蕭雲舉直講讀

丙申廣東道御史唐一鵬論李如松貪功掩敗釁禍三罪因
及宋應昌命廷勘禮科給事中趙完壁言倭託貢以覘我幸

皇上格其說又託封以嘗我夫倭嗜利經略惡利之名託
為首貢不行又易為封名在此而實在彼也

戊戌少詹事劉楚先為南京禮部右侍郎

夜保定青山口有飛星甚大餘光若彗脩二十丈

己亥諭吏部曰各省災傷屢旨蠲賑不知有司曾否奉行小
民有無沾惠方今吏治全不務講求荒政收養小民止以搏
擊風力為名聲交際趨承為職業費用侈於公廷追呼徧於
閭里糞訟不止派止不招盜賊互隱避失事之咎各撫按雖
請蠲賑不知汰一苛吏革一弊法痛裁冗費務省虛文如此

釀亂朕甚憂之又海防久疎倭情未定一應城池器械練兵
戰守之備尤在所亟近者將權既輕不免責成文吏文吏又
飾虛取譽首鼠避難以兵馬錢穀之任為劣處以強力幹事
之臣為粗疎好議論而不好成功信耳聞而不信目見此尤
今第一弊今後巡撫官關爾部務推老成敏練馭屢外任之
人毋採虛名其要地司道即郡縣及江防海防同知等官皆
宜慎選毋拘資格如不脩實行不飭兵防撫按不至叅劾以
失職連坐

辛丑鑄各省直審錄閱防

壬寅戶部覆工科給事中桂有根所請發帑停徵議河南留
六萬金山東江北各二萬金又河南山東借備倭米豆三萬
餘石漕折銀二萬金各平糶給賑從之

山西道御史梁銓奏辨建言諸臣非黨 上以銓沽名奪歲
俸

戊申禮部上元子出閣儀注 上以未冊立免侍衛儀仗
是月總督兩廣陳瓖奏黎維潭實欲驅除異類顧莫氏猶然
漢官待相持已定黎人匍匐請死別為區處未晚也

二 庚戌朔昌樂縣地震

壬子開封通許鄆陵許州臨潁歸德睢州地震

癸丑 皇長子出閣講學

總督倉塲右都御史褚鈇言漕法四事覈漂汰倉穀實堅舡料編水伍從之

乙卯南京戶部右侍郎總督倉儲楊一魁為南京右都御史丙辰陽曲辛定定襄地震

司經局洗馬教文楨為南京國子祭酒

丁巳予故南京刑部右侍郎吳自新祭塋

予故南京刑部尚書王用汲祭塋贈太子少保謚恭質用汲

字明受晉江人少時倭擾客兵為暴訴郡守郡守恚曰何與諸生用汲曰范希文秀才時便以天下為己任別鄉井事諸生無涉耶嘉靖戊辰成進士授淮安推官進常德同知丁丑入戶部員外郎諫張居正奪情削籍居正沒起補刑部未上

遷廣東按察僉事入拜尚寶卿轉大理左右少卿歷順天戶南京右副都御史提督操江南京兵吏部右侍郎進南京刑部尚書致仕終身筮仕節約廉平惠愛以不能俛仰淹頓外服十一年入即署鯁直著聲遂至八座一意孤行監有勞績戊午先是吏部推誦劍州判官萬國欽忤旨文選郎中王教

養疾跡未列名亦與請閱部申救且請發留中章奏
庚申進玉牒故事 太祖列四祖下成祖冠帝系世表今首

太祖

上御文華殿受賀

刑科給事中楊東明上中州饑民圖說 上閱之命蠲賑尋
勅光祿寺丞鍾化民兼河南道監察御史賚十五萬金往賑
仍發漕粟十五萬平糶

左都御史孫丕揚請寬御史奉差出京程限從之

辛酉御史黃一龍言宋應昌通倭之失倭不可封貢明甚而

應昌劉黃裳以為可彼徇沈惟敬柯斧之謀耶既格於輿議
不可收拾莫若委由通貢暫救目前宜處應昌為人臣不忠
戒章下所司

工部請停江西陶器不允

詔有司奉旨蠲緩後仍徵派以墨論

壬戌先是禮科都給事中張貞觀亟請出閣儀奪俸給事中
黎道照言非所以為訓 上怒奪道照歲俸趙完璧等跡救
降貞觀

甲子發八萬金命光祿寺丞鍾化民兼河南道監察御史往

賑河南其山東江北分賑停徵有差

丙寅雷州海康遂溪徐聞地震

庚午兵科給事中田大益上言封貢可虞報聞

己巳命河南撫按諭各道宣上德意散饑盜

辛未進王錫爵少傅兼太子太傅吏部尚書建極殿大學士
詹中書舍人趙志舉少保兼太子太保戶部尚書張位太子
太保各詹子入太學以玉牒成

壬申巡撫雲南左僉都御史陳用賓報平緬犯蠻莫告急許
發四川庫十萬金同黔國公沐昌祚剿處

癸酉巡撫山西右僉都御史魏允貞請興宗學立宗約令長
史教授擇齒德者任之報可

洛川知縣趙家相貪虐殺人論戍

甲戌工部以災警請暫停新派綾紗紙札不許

丙子瓊州瓊山文昌地震

丁丑左都御史孫丕揚言民隱吏治五事責守令以實兆民
之戶口責守令以闢屯民之荒蕪責守令以供兆民之額賦
責守令以興屯民之禮讓責守令以備屯民之災歉命下部
院行之

謚晉府寧和王知美曰恭懿

戊寅禮部郎中何喬遠奏朝鮮陪臣金晬等泣言倭夷猖獗
李如松勒朝鮮議和任倭殺僇六萬餘人倭語悖慢無禮沈
惟敬通倭皆曰和親輒曰乞降悔罪漢人許儀被掠所寄書
主事洪啟睿併進覽章下兵部

潁州饑民作亂沈丘知縣劉世光捕平之

三
己卯朔巡按河南御史陳登雲奏河南饑民食鴈糞併上鴈
糞上以示閹臣於是王錫爵請捐俸助賑上褒荅之時
皇貴妃鄭氏賑五千金又傳各宮出助

丁亥兩宮出三萬三千金助賑河南

戊子播州楊應龍拒殺官兵命川貴協勅

己丑南京工部右侍郎邊維垣為南京戶部右侍郎兼右僉
都御史總督糧儲右通政李盛春為右僉都御史巡撫保定
提督紫荆等關

庚寅閹臣以陳于陞脩史條上事宜請勅開館設官聚書分
任責成旨下禮部

癸巳初令經略顧養謙送倭使小西飛入朝議羈留之禮部
謂會同館非羈所又未可以屬夷待且在廣寧命兵部擇馬

夜月食

甲午南京光祿寺卿傅作雨為南京太常寺卿

乙未禦倭經略兵部右侍郎兼右都御史宋應昌罷

談遷曰宋經略首啟戎行任過其量雖斗筭之才會有天
幸平壤之復厥功不細其後小有利鈍牽於替說介使日
勤善作者不必善成誠哉是言也彼島夷無遠志先棄王
京歸我屬國王師重甲得以漸解然春秋不貴要盟彼委
其屨我拾其遺堂正之師救焚拯溺終債於沈惟敬
之封貢而發縱指視者誰也嗟乎李將軍敢戰凱閭海外

碧蹄後血不試刃或經略肘掣之耶

丙申工科右給事中張濤刑科給事中葉繼美各言東封之
誤

丁酉太僕寺卿錢藻為南京光祿寺卿

辛丑折安慶田租

壬寅御史林培言叅政余學曾前任新化縣立義倉宜做之
秋稔則歛時亟則散行之十年民自家給上議行之

肅州衛地震

兵科都給事中吳文梓請寘倭將小西飛於朝陽門外俟議

定母輟造京師戶科給事中盧明諷追論李如松罪上不
聽總督顧養謙言許貢之利文梓駭之

癸卯勅脩正史論內閣選詞臣分任

甲辰禮部尚書陳于陞南京禮部尚書沈一貫庶事劉虞夔
少庶事馮琦充正史副總裁禮部羅萬化吏部右侍郎威訥
禮部左侍郎范謙劉元震右侍郎孫繼皋少庶事曾朝節祭
酒陸可教兼充副總裁右庶子余繼登右諭德蕭良有洗馬
李庭機右中允劉應秋脩撰唐文獻雋詒編脩鄒德溥郭正
域黃汝良全天叙吳道南黃輝莊天合董其昌簡討王圖蕭

雲舉區大相周如砥林克俞克纂脩官王錫爵謂翰林各官
尚多宜吏部催取赴京至海內博學洽聞之士或官別署或
淹外僚容臣等搜其文行兼優者不論品秩令改京銜入館
或山林隱逸文行可取令吏部訪用出內府藏書先紀志次
年表次列傳限以年月各送總裁纂脩官毋克差給假上
是之

瓊州軍器局火

協理京營戎政兵部右侍郎賈仁元論去進尚書

乙巳榆林衛地震

鑄潘府靈壽王理堦六合王理堦印

戊申國子司業周應秋刊十三經註疏成

四 巳月朔已刻日食

諭禮部擇皇長子婚

王錫爵舉薦前大學士王家屏

庚戌巡按福建御史陳子貞奏開海山海壇南行等處荒田

裁通省寺田清屯田通雷廉高潮商販部覆行之

辛亥先是巡撫四川王繼光令總兵劉承嗣剿楊應龍以都

司王之翰副總兵曹希彬參將郭成分道至白石關應龍偽

降突擊我萬弩齊發之翰大敗會繼光以他事免遽罷師委

棄輜重略盡貴州兵亦敗於烏江而撤

壬子館陶縣天鳴

南京通政司右叅議孟一脉為南京右通政

癸丑周府內鄉王勤燁薨

甲寅戶科都給事中王德完御史黃紹賢等禮部郎中何喬

遠等各奏封貢非是上命俟顧養謙報至養謙陳封貢當

並許凡五利五害下廷臣決之

戊午鎮夷所天鳴

大同墾荒報千八百七十餘頃

辛酉寧夏地震

壬戌惠安縣地震如雷

癸亥勅行制錢時錢法壅御史張蒲請贖緩輸錢例監輸錢
三之一戶口商稅驛傳各役工食俱錢從之

乙丑廣東左布政使費堯年為南京太僕寺卿

丁卯南京禮部右侍郎劉楚先改南京吏部右侍郎兵部右
侍郎李汝協理京營戎政通政使呂鳴珂為兵部右侍郎兼
右僉都御史巡撫陝西

勅旌周王肅漆安昌王在鏃鎮國中尉睦樞孝義

己巳特許慶王子帥鏗襲封時八歲不為例

辛未金壇人趙州平等私作兵器妖書巡按御史陳遇文發

之時東警吳中貴游子弟恃財結客私署名目謂可應卒變

仇人工訴俱逮治兵備副使韓齊曰是白面書生酒酣耳熱

叱咤張目里中兒耳安能反刀轉犯收不大沸

壬申潘王理堯進銀千金粟千石助賑勅旌之

乙亥太常寺卿徐作為通政使少詹事曾朝節為南京禮部
右侍郎太子少保禮部尚書沈鯉為南京禮部尚書

丙子廷議關白封貢時傳沈惟敬許和親餘姚人諸龍光前
客李如松所被慢遂上急變列如松罪狀并各私札投御史
唐一鵬內有征倭戚金上如松帖陳和親詳甚一鵬以聞
科給事中喬胤亦言之故有是命詎龍光誰使之不能得擬
杖上怒械市死

沈德符曰按古來北與中國和親惟漢唐有之未聞島
夷敢萌此念若云日本願獻則高麗進其國女子在祖
宗朝自有例似亦可許至於公主下降則納幣賜初宴使
定期古一一有故事軍中安能偽飾以欺外夷況倭奴狡

猾為諸夷第一非沈惟敬輩所能籠絡造為此說皆出東
征失志游人詆謗都中而言路一二無識者遽登之白簡
至紛為諸龍光訟冤辱朝廷而羞士大夫真可痛恨于
文定與石司馬私恨遂記之筆塵以為信然失國體矣蓋

朝鮮日本與國其婚姻乃恒事但訛云天朝也

談遷曰曹操戒安定太子母丘興曰羌胡欲與中國通自
當遣人來慎勿遣人往善人難得必將教羌胡有所請求
欲以自利興至遣校尉范陵至羌中陵果教羌自請為屬
國都尉狡焉一關白彼聞我發兵當遣使自理曾不一跡

而本兵遣沈惟敬以先之犯曹孟德所戒封貢和親之說
俱惟敬口善人難得以一介行李屬之使貪使詐其誤國
無疑也

丁丑刑部右侍郎孫鑛為兵部左侍郎

巡撫雲南右僉都御史陳用賓遣兵擊平緬擒多俺及其子
斬之旋師又檄暹羅同攻平緬夷罷於奔命稀入寇

瞿九思曰莽苗乎莽苗乎始猶緬甸一部落耳嘉靖時莽
紀歲為思倫所殺幾中廢後莽噠喇滅楞子即羗稍、并
木邦一百車里老撾孟養孟定六慰而有之而後漸自強

大也跨洞吾阻擺古豈不稱乎哉然而莽能未盛也岳鳳
罕度思順思仁思箇而盛也非然則莽去騰永且三月能
持久乎曩楊給諫文舉所言良是臣獨怪思化復猶走蠻
莫何哉蠻莫去擺古五千里部兵一一漢人化豈謂雖鞭
之長信然哉

五戊寅朔兵部尚書石星彙朝議奏曰或降勅付小西飛歸諭
閩白盡撤釜山兵以觀誠偽則有如羅萬化議或遣使往諭
必如中國約乃許倭使膏表請封及守鴨綠以西盡責督臣
則有如孫鑛議或封貢並絕自脩內脩令朝鮮淬礪圖存而

我選為聲援則有如陳有年趙叅魯議而衆論之所同則汲
於選將練兵儲器待餉屯田阨險皆本計也 上命顧養
謙諭倭衆盡歸表至即奏請處分

鉄嶺衛災柴溝懷安李信屯三堡地震

奪江夏知縣何傑俸二月以筮宗室盈哥至詎毀公座也因
禁飭各宗

辛巳光祿寺卿范崙為太常寺卿

壬午襄府鎮寧王厚樵薨

癸未初巡撫福建右僉都御史許孚遠遣海商偵倭云平秀

吉拘諸將妻子遣攻朝鮮益淫虐衆心不附於是孚遠及巡
按御史劉芳譽以聞且曰得智勇奇士密往圖之王開俱起
元兇可擒又遼陽天津不可不慮 上是之

甲申先是朝鮮慶尚道防禦使金應瑞以斬獲倭功馳報劉
綏綏轉上之石星併請罷封貢

乙酉申計典條例河南道御史甘士价言計吏一事責成部
院責成撫按責成司道責成郡守資格當略黃緣當杜實政
當務人才當惜從之

土魯番速壇阿黑麻王等五十九王各入貢

丙戌贊善王入貢

丁亥吏部推閣臣王家屏沈鯉孫鑰沈一貫左都御史孫丕揚吏部右侍郎鄧以讚少詹事馮琦上以推及部院不允已丑福建左布政使管大勳為南京光祿寺卿辛卯禮部尚書陳于陞沈一貫兼東閣大學士直文淵閣上以吏部推閣員違制請文選郎中顧憲成而戶科右給事中盧明諫逮中立先後疏救上益怒憲成削籍謫明諫中立陝西按察司知事時閣臣謂卜相宜特命不必廷推吏部尚書陳有年爭之

甲午禮部儀制郎中何喬遠奏救顧憲成謫廣西布政司經歷

戊戌論遼鎮失事之罪先舉數萬寇錦義深入七日殺掠男婦五千餘人遂下副總兵楊紹勳臺訊逮叅議馮時泰免巡撫都御史韓取善

己亥罷遼東總兵官尤繼先

庚子大學士王錫爵一疏乞休許之進吏部尚書建極殿大學士

右通政李化龍為右僉都御史巡撫遼東

左都御史孫丕揚上巡方約束書曰憲綱曰辨吏曰官守曰
分類曰巡視曰約束

壬寅中軍都督府僉書都督同知董一元為總兵官鎮守連
東

癸卯靖江王府宗室邦詒有罪賜死

乙巳南京後軍都督府僉書鄭尚全為中軍都督府僉書

予故南京通政使艾可久祭葬

潞王助賑三千金

六戊申朔吏部尚書陳有年盡列待罪司屬請裁 置 上讀之閣

壬戌方城王 埔薨

禁私立先廟初福清海上設孔廟歲訓導分祭巡按陳子貞

裁之

前尚寶司少卿李先芳卒先芳字伯承濮人嘉靖丁未進士

知新喻進戶部主事歷今官益工脩詞年八十四所著東岱

山房稿二十卷清平閣集 卷行世

癸亥經略遼東顧養謙薦孫鑛自代許之

禮部左侍郎范謙左庶子余繼登充正史副總裁進繼登少

詹事

蠲大同以萬曆十八年以前逋租

乙丑西寧衛天鳴

丙寅右諭德蕭良有為右庶子兼侍讀洗馬李虞機為右諭德兼侍講右中允劉應秋為洗馬兼脩撰

蘭州衛大佛寺火藥災斃甘州中衛經歷何源等十有六人
丁卯潁州王自檢作亂聚衆千人兵備
李驥等計擒之

己巳夜有飛星如彈色赤有光後二小星隨之

庚午免廣東饒平縣鹽課浮額三千五百餘金

辛未崇明縣獲倭舟一倭三十四人

壬申成山伯王應龍卒

貴州道御史許聞造言方今事勢可憂二大六備則治安不備則衰亂可憂者何武備空虛漕糧偏重也大計者何清糧額覈屯田權馬價濬溝洫定兵制嚴軍法也要歸二端曰兵餉
上是之

乙亥吏部右侍郎盛訥憂去

七
己卯外翰林編脩葉向高為國子司業

庚辰兵部左侍郎孫鑛兼右僉都御史總督薊遼軍務召顧養謙回部

辛巳予故南京通政使楊登相祭墓
東征功久不叙兵部尚書石星請再勘
告廟宣捷
工已之命即擇吉

癸未盡蠲寧夏萬曆二十一年逋租

丁亥趙志臯以南京浙江道御史柳佐見劾乞休不允

已丑御史陳過文巡按回京孫丕揚考其濫舉一人命奪俸
六月

辛卯刑科給事中李先芳論巡按浙江御史彭應參脅前祭
酒范應期死公論不平下部院勘議應期烏程人

進士第一授脩撰歷祭酒家居叢怨應參方嚴敢擊斷治其
子弟應期自經

夜雷震祈穀壇東天門左吻

丙申套丁失免犯定邊張春井總兵官麻貴擊卻之

丁酉吏部尚書陳有年罷有年扼於政府乞休疏十有二許
之

戊戌吏科給事中耿隨龍劾巡撫福建右僉都御史許孚遠
歲荒不賑減米價阻販至於釀劫浙江撫按王汝訓彭應參
興訟告訐脅死范應期歸安知縣張應望尤為首禍不報

工科給事中黎道昭劾顧養謙陰附和議敗壞封疆不報
癸卯鳳陽廬州大水

甲辰魯王顧坦薨

西「火落赤謀犯寧塞守備杜松先引騎出亂雲澗擊斬十
九級

丙午朔霍州地震

丁未開館脩正史

御史趙文炳請崇節儉略曰近日風俗奢侈相高數日之糧
不供一席之費百畝之入不能易一身之衣嫁女則玄黃耀

日送死則旛幢蔽天空廬飾以雕畫車馬塗以金錫披緇削
髮多於南畝之夫梵宮玄觀擬於北闕之盛至綴珠玉於倡
優曳朝履於僕隸風俗若此欲民之不窮也得乎京師四方
之極大臣百官之望也大臣不行何以表百官京師不行何
以示天下輔臣九卿宜身先節約以為衆倡京師不行則責
五城御史省直不行則責撫按從之
戊申左都御史孫丕揚為吏部尚書

己酉恭順侯吳繼爵乞賜肩輿不允

南京兵科給事中盧大中疏救馮時泰奪俸半年時泰戍邊

刑科給事中喬胤等乞宥 上益怒改永成
河南道御史黃一龍言脩攘三策簡殊能以儲樞筦別才品
以任撫臣議選舉以重將領不報

庚戌吏部推原謫御史何選為刑部主事文選司郎中馮生
虞等俱謫極邊雜秩閤跡解降一級謫外餘各奪歲俸

主試順天 庶子蕭良有洗馬劉應秋先是應天 諭德李

庭機 中允劉應賓浙江編脩吳道南戶科左給事中吳中

明江西編脩黃汝良刑部主事彭應捷福建簡討王用予兵
部員外郎方應選湖廣刑科左給事中葉繼美工部主事莊

懋華河南吏部主事劉文卿兵部主事賈維翰山東工部員

外郎王登才戶部主事韓正域山西工部員外郎朱汝器戶

部主事全時舒陝西刑科左給事中王嘉謨工部主事葉廬

四川兵部主事江中信刑部主事袁化英廣東兵部主事曾

偉芳刑部主事劉毅廣西刑部主事熊宇大理寺評事汪治

雲南戶部主事李徽猷刑部主事陸夢履貴州刑部主事朱

思明評事竇子佩

辛亥順妃黃氏薨

丁巳播州楊應龍訴七姓之誣構乞戴罪立功不許

西海駐牧，前永邵卜并瓦刺他卜臺乞款下督撫酌之

庚申 道御史林道楠論大學士趙志臯不能決大計徒

狗顧養謙意以孫鑛代謀國無當乞罷相 上留志臯奪道

楠歲俸

壬戌夜東北方有流星大如盞色赤聲如雷二小星隨之

癸亥套卜失兔目

潰墻抵下馬関總兵蕭如薰等皆

觀望不進至九臯五日出馬連張泰并游擊史見死之蹂躪

匝月全陝幾震已延綏總兵麻貴乘寧塞搗巢之銳馳至下

馬関戰於薛家窪斬一百十九級

丁卯總督陝西葉夢熊言延綏甘肅二鎮專主戰不得疑貳

仍持兩端致墮計在寧夏時或調停在固原陽施籠絡伺

其可乘部覆從之

甲戌平壤告捷郊廟

乙亥工部尚書袁貞吉改左都御史吏部左侍郎趙參魯為

南京刑部尚書總督漕運戶部尚書李戴為南京戶部尚書

九 丙子朔邢玠為兵部左侍郎兼右副都御史總督四川貴州

勘剿楊應龍

翰林院庶吉士楊繼禮陳懿典韓燿為編脩王象節沈濶高

克正劉生中李騰芳傅新德為簡討張同德姚文蔚陳繼春
為給事中何維祥趙之翰馬文卿為監察御史

論東征功進經略宋應昌右都御史李如松太子太保增祿
百石贊畫劉黃裳督餉艾維新各文武陞賞有差

己卯總督倉場戶部右侍郎褚鈇為戶部尚書兼右副都御
史總督漕運總督河道工部尚書舒應龍回部

庚辰光祿寺丞兼河南道御史賑饑鍾化民事竣上饑民圖
說

辛巳瓊山文昌地震文昌又大風雷西寧地震天鳴三日

十月未時部院考選不下趙志昂疏請不報

領詹事府事吏部左侍郎范謙為禮部尚書巡撫廣西右

都御史陳大科為兵部右侍郎兼右副都御史總督兩廣軍

務南京吏部右侍郎劉楚先為禮部左侍郎

罷寧夏總兵蕭如薰延綏副總兵姜直下臺訊前套入鹽

場堡沙梁不戰也

巡撫福建右僉都御史許孚遠奏呂宋酋長子 訴我奸

民隸其部殺其父 奪其鬻以逃兵部議誅盜復遣酋

使以糜之報可初呂宋為西洋諸番之會佛即機互市其國

因募之使大酋來鎮其地通閩人多往焉其久賈以數萬
會佛即機首侵美洛役華人三百助戰令警備稍懈輒築利
之華人皆怨有潘利五者入卧內殺酋大呼佛即機人驚起
悉刃死利五與其黨載貨物以歸失水道誤入安南安南人
掠之獨郭惟泰等三十餘人走免首子訴之置惟泰於理
戊申勅旌唐王碩曠助賑
蠲望江懷寧災稅有差

連陽大雷電雨雪東寧衛亦如之

己酉夜渤海所有星墜南門樓樓燬武進江陰大雨水

辛亥陝西左布政使戴耀為右副都御史巡撫廣西

居庸關總兵官解一清為征西將軍總兵官鎮守寧夏陝西

總兵官楊濬為平羌將軍總兵官鎮守甘肅

癸丑初川貴合攻楊應龍久不克巡撫貴州右副都御史林
喬相奏自西路失律首勢益獷而貴州山瘠如川兵不協何
巡按御史薛繼茂言播州原隸蜀令蜀自收局而貴州量助
防守巡撫四川右僉都御史譚希思奏必貴州合力禮科給
事中楊東明請遣才望大臣往勘事可原即赦否則徵川湖
雲貴之兵報可

甲寅遠東副總兵張世爵為總兵官鎮守昌平大同副總兵黃明臣為總兵官鎮守陝西

乙卯南京右諭德馮夢禎為左庶子正史副總裁

故光祿寺丞朱維京卒維京字可大萬安人萬曆丁丑進士以諫三王並封年四十六

己未前禮部尚書沈鯉辭疾不至

南京大理寺卿周思敬為南京工部右侍郎工部右侍郎邢玠為左侍郎兼右僉都御史總督四川貴州軍務南京禮部右侍郎曾朝節改南京吏部巡撫應天右副都御史朱鴻謨

為刑部左侍郎吏部右侍郎呂坤為左侍郎

庚申巡撫遼東右僉都御史李化龍總督經略孫鑛議制倭

二策曰遣還曰許市兵部言奉命封貢俱絕彼尚未知久住

釜山名為候我實則要挾但三年客居兵力已倦兩將相角

間隙易生必欲保屬國以固藩籬宜設一憲臣專理朝鮮兵

備凡兵餉悉如我法我仍留一將行月二糧就彼設處倭果

願封立限歸巢然後酌奏如觀望懷奸即放還小西飛絕之

因上防禦事宜一募浙兵補三千七百人調薊鎮保定客兵

六千人撤川兵詔下所司

辛酉致仕禮部尚書羅萬化卒於寶應予祭塋贈太子少保
謚文懿萬化字 山陰人嘉靖戊辰進士授翰林編脩至

今官年五十九

壬戌海州叅將祖承訓為遼東副總兵

夜馬城堡大星隕天鳴

癸亥故國子祭酒范應期婦吳氏詣闕訴巡按浙江御史彭
應參挾私招告屬烏程知縣張應望嚴提勒贓一百金子汝
泗飲藥死夫因自經而巡撫右副都御史王汝訓代應參飾
辨其枉不白 上怒逮應參應望罷巡撫王汝訓初應參好

懲豪紳烏程尚書董份左富橫嗾吳氏入訴又徧囑當路馬

乙丑刑科給事中喬胤等疏救彭應參請

餘奪歲俸

丙寅因浙江撫按擾民切責部院任用匪人有負任使尚書

孫丕揚左都御史袁貞吉疏救 上意稍解

先是長昂以七千騎犯中後所趙夢麟悉斂人畜家丁趙子
明等伏小屯臺斬三級射一酋死 怒攻陷臺子明等力戰
死副總兵秦得倚趙夢麟各援至 始遁副總兵李平胡游
擊崔吉叅將張應科擊之追至半邊山 復佯攻兵卻各阻
險自守秦趙兩軍鏖戰多所殺傷備禦高濂以兵百餘自東

來不即進，望塵疑有伏而遁。

丁卯兵部尚書石星請封倭略曰：方倭之陷朝鮮，利用威及還，王京歸，王子陪臣則利用信。皇上慨然許封，敷布詔旨，今倭久住釜山，我之不封，既已失信，彼之請封，又復驟疑。故封後而勅令盡歸，宜無不得封前而數為責備，似難必行。宜令小西飛入京，示封約面諭，行長即退，以待冊使往，即行長未歸，待冊使至而返。蓋既封則朝鮮暫安，得自為戰守，若復設難成之約，則禍中朝鮮全羅必失，連左亦何以支。又封後或反覆，臣請自菴之不濟，則治臣罪。上從之。令小西飛入

京許封如仍不退，則濟師。

戊辰蠲折開封南陽等水災田租有差。

巡撫山西右僉都御史魏允貞歲節二萬一千一百四十餘

金。工善之命各省直巡撫如允貞例乞酌裁。

己巳贈甘肅游擊謝詔都督僉事廕正千戶贈百戶馬載圖，指揮僉事世副千戶立愍忠祠俱海。八寇戰死。

庚午皇六子常潤生。

東。炒化把都伯言犯鎮武堡，總兵董一元伏兵俟半過，擊斬五百四十餘級。大酋伯言把免創死，炒化把都尋亦死。明

日西卜彥吉犯右屯懷武擊敗之時巡撫李化龍等攻守足兵餉明斥堠嚴偵探故所向有功

瞿九思曰三衛稱福餘先衰落兩都督皆乏絕而所遺把都金庫、為都指揮使慶雲堡之役殺我吏卒者豈非伯言與世嘗笑伯言鄙固何敢數擾我閭市豈非自恃智囊乎不然則亦恃速把亥煖兔葦誠足備緩急耳卒之兩策無所施身施金瘡而死旋死矣猶恨其死不足以贖我一塞吏死也

是月項城盜三百餘人掠南頓鎮十二月知縣王欽誥請兵平之

十月乙亥朔立宣府大同常平倉

戶科給事中楊恂等上積貯四議曰折征內庫所貯香臘顏料布絹羽毛皮張之類積久朽蠹宜一清理果足用折征濟邊曰汰冗國家冗官如譯宗生冠帶儒士通事序班帶俸中書官樂舞生冗役如官匠民匠曰斗脚夫厨役及大婚選授者歲廩百餘萬石俸薪數十萬金宜逐一清汰曰料草二十四馬房其多至三百者各減五六十匹御馬三倉因內操馬數雖減草額更加亟宜清覈曰牧地云云不報

巡撫福建右都御史許孚遠為南京大理寺卿大理寺卿
沈思孝為工部左侍郎南京提督操江右副都御史趙可懷
為兵部右侍郎兼右僉都御史巡撫應天太常寺少卿劉元
霖為右僉都御史巡撫浙江
勞遠東吏卒二萬金

丁丑工科給事中張濤切諫請廣靈典史

戊寅冊端妃周氏敬妃李氏

己卯兵部尚書石星言既許封閔白宜令游擊姚洪徵小西
飛至京寓朝陽門外朱氏莊沈惟敬館伴其朝見冊封遣使

等儀並如朝鮮琉球例大抵封事責臣館穀防護責總協李
言恭李汶又令陳雲鴻同沈嘉旺往釜山宣諭平行長速退
候封使上從之仍行總督孫鑛飭備禁沮撓者小西飛行
長書記也

于慎行曰金之破連猶不敢輕舉伐宋也乃遣使者往反
既數道路險易朝廷治石府庫虛實漸得要領而南侵之
志決矣中國表裡不可使外夷知之彼以納貢為名往反
出入或有密圖山川潛窺虛實即平時貢夷猶不可不備
况當倭內訌兵出境上而容其謀使入都使之偵探可

謂愚矣

庚辰脩養心殿

先是命湖廣改進魚鮓左布政使武尚耕謂已登程進鮓如故上怒鑄三級調用并奪撫按俸二月科臣閻臣跡救不納初尚耕兵備承天裁守備內臣之橫令太監孫黨傾之託內

脩獻陵成

壬午戶部覆山東巡撫鄭汝璧所議積粟青登萊軍屯不贍民屯多負宜聽民三分之二納雜糧糝穀豆黍之類又議開

島登州長山諸島以登州營軍耕之作遼舡十六隻利涉從

之

禮科給事中薛三才言大臣祭墓論官論品贈謚論行業冒濫宜裁如故吏部侍郎王希烈行業無稱陳乞非法所當停寢章下禮部

四川撫按譚希思吳孔嘉言楊應龍負固再使詰諭應龍再請官臨勘潛遣人奏辨宜革其宣慰銜再諭如縛赴綦江俾五司無改舊業七姓悉還故區該司表貢止書播州土司降其子朝棟為土舍督催糧馬俟五年後奉法許襲秩如抗諭

則合貴州兵之詔可

甲申撫治鄖陽右僉都御史董裕為大理寺卿

黃鳳翔補南京禮部尚書國子祭酒陸可教為南京禮部右侍郎

乙酉順天府丞沈桐為右僉都御史巡撫福建起賈待問南京右副都御史提督操江

前福建道御史饒位陞湖廣按察副使引疾上以位謹處請告不得推陞凡科道外轉引疾者准此

辛卯巡撫延綏右都御史李春先議復客餉從之

蠲山西永寧等二十四州縣秋糧有差

癸巳慈聖皇太后誕辰上御門召輔臣煖閣趙志臯奏

封倭等事俱優答之

陝西右布政使馬鳴鑾為右僉都御史撫治鄖陽

太常寺少卿成憲為國子祭酒尋劾免

甲午蘓州地震夜金木星相犯

丁酉大學士趙志臯張位沈一貫以南京大理寺評事龍起

雷論及各求退不允

庚子賜上蔡王載堦書院額曰學文

十 丁巳辰朔永寧長公主薨

薊鎮副總兵李魁先為總兵官鎮守昌平

乙巳御史改尚繡工脩倉、議酌僱工議協管稽實用覈成
數速開報慎委官審制度重老成從之

丁未免廣西全州陽朔等處墾荒虛糧

乙卯趙志昂請 上御門見小西飛 上謂夷情未審下部

議釜山倭退盡始封仍審小西飛於左闕門

吏科都給事中林材劾吏部侍郎劉元震國子祭酒成憲詹
事馮夢禎語侵闕臣以暗傷善類鐫三級請程鄉典史

寧越守備吳文傑移黎州以黎州土舍馬應龍恣掠也

是年徵貢士南城鄧南錫為翰林院待詔 劉元卿為國

子監博士元錫道卒

北關卜寨那林孛羅改建州 卜寨被殺北關請其

屍剖其半歸之於是兩地成仇建州勢浸盛矣

西番 寇自麗江知府木旺擊破之

是年故浙江按察僉事晉江莊用賓贈太僕寺少卿廕

衛百戶世襲用賓嘉靖 進士授行人司副遷刑部員外

即出僉浙江罷官年三十一嘉靖中同弟用晦募三百人擊

倭、怒剗其父塚剖屍去遂同走賊壘奪屍出用晦竟死賊
中撫臣以聞久不報至是隔四十餘年子鳳章奏狀 上欲
錄當年擊倭者以風厲才勇也

乙未萬曆二十三年

正明戊朔 上不朝

丙子勅部院申飭考察之法

戊寅松江地震

庚辰禮部尚書范謙請給豐臣平秀吉皮弁冠服紵絲等項

及誥勅印章時小西飛稱日本已無國王禮部擬封順化王
有旨封平秀吉日本國王永樂初賜日本龜紐金印小西飛
云失之乞更給從之

癸未鑄青州萊州登州各海防司知兼管清軍驛傳鹽捕關
防

甲申戶部光祿寺以珍羞署白糧精鑿者供上其年久者改
別厥充口糧從之

乙酉授日本豐臣行長豐臣秀家豐臣長盛豐臣王盛豐臣
吉繼豐臣家康豐臣輝元豐臣秀保各都督僉事日本禪師

僧玄蘓給衣帽小西飛授都指揮使

丙戌劉綬陞四川總兵官私覬巡撫宋興祖興祖發之奪原
銜仍視事

癸巳巡撫南贛汀韶右都御史謝杰上銷兵養兵簡兵三

策工善之

兵部覆巡撫廣西陳大科議絕戍當清從之

乙未河外犯靖康堡官兵擊斬一百二十七級擒寧夏中

衛游擊石尚文又斬五十級總督葉夢熊以聞

丁酉四川道御史綦才言三事曰抑武臣李如松劉綬曰懲

賄臣許氏曰寬謫臣耕武尚上命議處劉綬張世爵各有差

而綦才因事黨救奪俸六月尚耕削籍

吏部左侍郎兼翰林院侍讀學士劉元震署詹事府

部院大計降斥有差浙江海道副使丁此呂以貪處此呂御

史時追論張居正故善沈思孝吳中行等大為不平

二月己大學士陳于陞上時政六事接見大臣錄用人才勸獎

外吏清查邊餉儲養將才擇用邊吏上復納之

丙午勅神機三營添註游擊將軍署都指揮僉事沈惟敬隨

正副使往封令暫住遼左待報方行爾諭行長等即整備丹

使舟楫等項仍令釜山倭退朝鮮奏請冊使乃前凡約束三
事調停兩國俱屬爾責

丁未，寇遼東鎮武堡總兵官董一元擊斬四百十級奪駝
馬二千餘

李庭機為左春坊左庶子鄒德溥為右春坊右中允左庶子
蕭良有為國子祭酒

禮部右侍郎文淵閣大學士張位署詹事府事吏部左侍郎
劉元震主禮闈

南京右都御史楊一魁為工部尚書兼右副都御史總督河

道

庚戌城淮安廟灣

辛亥詔封日本國王平秀吉曰朕受天明命覆幬無私仁育

遐荒有同宇下惟爾日本遠隔鯨濤昔嘗受爵於先朝中乃

自携於聲教爾平秀吉能統其衆慕義承風始假道於朝鮮

未能具達繼歸命於闕下備見真誠馳信使上以表章干屬

藩為之代請恭順如此朕心嘉之茲特遣後軍都督府署都

督僉事李宗城五軍營右副將署都督僉事楊方亨封以日

本國王錫以冠服金印誥命凡爾國大小臣民悉聽教令共

圖綏寧長為中國之藩籬永奠海邦之黎庶恪遵朕命克祚
天庥

于慎行曰國家制禦四夷自有正體封貢之典職在禮官
征討之法職在樞府譬如青鳥司春玄鳥司閉各有職掌
不可紊也累朝相沿著為成法如西之哈密南之交趾北
之順義皆樞府所有事而封貢題請則皆屬之禮部舊牘
具在可攷覽也連左劔師司馬欲以封貢囑倭救先補敗
且欲身任其事以自為功亦不想職掌沿革各有司存而
禮部一二正卿苟欲避諉辭難為自免之計亦不言職掌

在本部也乃使兵部題請成封貢之議及事敗勢頽兵臣
伏罪而禮臣無恙焉其如職掌之紊何夫兵臣不知責之
在人而任之於已禮臣明知職之在已而委之於人皆所
謂溺其職者之公卿臺諫亦無一人詳考舊牘而知其責
之所在者使兵臣誤而罹於法禮臣誤而免於罪近於七
聖皆迷之域矣士大夫高談虛拱不親世事其深弊至於
如此

太僕寺卿楊時喬為南京太常寺卿

壬子戶部左侍郎胡執禮為南京右都御史禮部右侍郎孫

繼臯為南京吏部右侍郎劉東星

為吏部左右侍郎

工科都給事中吳應明奏奉旨陝西織羊絨七萬四千七百有奇費百六十餘萬閩中連灾戶口逃亡豈堪此役不報大理寺左少卿鄧鍊為太僕寺卿

乙卯先是總督薊遼孫鑛巡撫遼東李化龍上言倭情未馴可疑六可慮五倭不識漢文恐互相欺詔請如禮部議量封順化王停冊使及沈惟敬增募水兵清正素不服閩白與行長不相能宜如魯仲連諭燕將計上以已遣封使毋停孫鑛傳諭行長報語支吾日本國王見都山城有天祿三

年曆與小西飛言信長弒王不合

丙辰荊州土江東之為大理寺左右少卿

丁巳右通政李汝華為南京光祿寺卿

已未京師立忠節祠祀故太傅于謙以太常寺卿鍾化民請之也

新寧王萬句攝代府事

叙遼東鎮武功進總兵董一元太子太保左都督世衛指揮使督撫顧養謙孫鑛各陞廕有差

乙丑巡按四川御史王慎德言征播之事有三國體當重贊
畫當罷黨與當剪工然之

三月亥戶科都給事中楊恂論趙志昇通許茂樺之覬徐宗達
代楊應龍行金奪吏部權抑言官且刺張位上怒降陝西
按察司昭廢

丙子御史彭應參削籍烏程知縣張應望戍邊

戊寅故禮部尚書董份卒份字

烏程人嘉靖辛丑進士

選庶吉士授編脩歷前官有文學西苑應制貪險附嚴嵩除
名年八十六

吳文華辭南京工部尚書

丁犯遼東官軍擊斬百八十四級擒真一六人

辛卯建寧府大雨雹

丁酉減長公主婚禮珠寶三分之一

庚子予故南京戶部尚書張西銘祭葬

壬寅許倭使小西飛渡江俟朝鮮奏至同冊使往

四朔卯朔日食

己酉以甘肅橫城失事副總兵王國翰參將李鯤下臺訊兵
備荊州後奪俸三月

庚戌命儒臣講大學衍義

總督陝西兵部尚書葉夢熊為南京工部尚書南京大理寺卿許孚遠為南京兵部右侍郎少詹事馮琦為禮部右侍郎辛亥少詹事余繼登為詹事

甲寅巡視陝西茶馬御史李楠請禁湖南茶引以絕夾帶建紫陽茶坊以絕假造收岷州番馬以充征騎從之

己未協理京營戎政兵部右侍郎李汝為總督陝西三邊軍務右都御史兼兵部右侍郎山東左布政使張允濟為巡撫山東右僉都御史順天府尹沈應文為南京大理寺卿

丁卯巡撫福建許孚遠奏福州海壇山

墾田八十萬三

千八百畝有奇

戊辰工部左侍郎沈思孝為右都御史兼兵部右侍郎協理京營戎政

時泗州水患祖陵前遣勘科即奏未上於是工部左侍郎沈思孝言河患亦天時人事適然未盡諸臣咎上怒甚謂河工歲糜金錢百萬而害如故前總督河道工部尚書舒應龍因時艱停工南京工科都給事中劉弘賢給事中陳洪烈各請緩遂追罪之應龍削籍弘賢已遷浙江左叅政降惠來典

史洪烈馬邑典史時疑思孝托激思孝奏辨求去不允
是月項城縣大雨水傷稼

五癸酉朔御史吳楷請上親北郊不報

神機營坐營陳雲鴻總督孫鑛遣官駱一龍抵行長營行長
率諸將迎倭衆回巢大半僅留如干人候天使兵部以聞乞
命楊方亨前駐居昌李宗城與小西飛等前駐南原示彼大
信從之

丙子南京鴻臚寺卿徐大任為南京太僕寺卿

御史謝廷策以陳于陞有接見大臣錄用人才之奏上言

皇上靜攝以來朝講中輟輔臣至歲終不接恐官府漸隔而
煬竊之患隨之諸臣言激直慙不能無罪前後譴削百十餘
人錮以終身是明予人以名而暗自失非便計也 上以窺
探市恩降外

光祿寺卿錢藻為順天府尹右通政耿定力為左通政

丁丑總督 蕭大亨為刑部尚書仍太子太保

南京翰林院侍讀學士楊起元為國子祭酒

予故兵部左侍郎汪道昆祭葬給事中薛三才謂嘗經內計

熊明揚
拾遺不准謚

已卯趙志臯請發留中諸跡不報

時頒四川扇式御史周希聖言蜀困不堪上怒奪歲俸

辛巳復遼東屬夷伯言部落市賞

御史袁可立請錄謫臣不許奪歲俸

壬午宣固原延綏之捷

甲申工部右侍郎徐作為左侍郎巡撫陝西左副都御史王

世揚為工部右侍郎前總督兵部左侍郎陳于陞為戶部左

侍郎

南京戶部尚書李戴為工部尚書巡撫

兵部右侍郎呂

鳴珂為工部右侍郎湖廣按察使金學魯為右僉都御史巡

撫福建

乙酉山東臨邑縣雨雹盡作男女鳥獸形

戊子趙志臯請選庶吉士許之

庚寅寧武關總兵官張世祥劾免

辛卯戶科給事中鄒廷彥論沈思孝江蘇其跡合楊東明

疑嫉之奪廷彥歲俸降東明

壬辰昌化王府宗室充鞅有罪賜死

甲午賜孟津王載堙書院曰勉學

乙未吏部尚書孫丕揚立掣籤法銓制庶官量才高下授秩
丕揚苦徇請大選立掣籤法每闕書一籤納笥中選人自探
得之一時稱公識者不謂然也其後猾胥擇善闕上下其手
不復能詰時號籤部

于慎行曰孫太宰患內人請託難於從違大選外官立為
掣籤法一時官中相傳以為至公下逮小民間巷翕然稱
誦而不知其非體也古人見除吏條格卻而不視以為一
吏足矣奈何衡鑑之地自處於一吏之職而無所秉成亦
以陋矣至於人才長短各有所宜資格高下各有所便地
方繁簡各有所合道里遠近各有所準而以揅丸之智為
挈瓶之守是掩鏡可以索照而折衡可以懸決也從古以
來不聞此法

左都御史袁貞吉請宥謝廷策周希聖不聽謫廷策

希聖滋陽典史

歲貢生曹上吉選高陵知縣為奸人所賈索賄大選郎中蔣
時馨聞而捕之上吉隆名奸人下鎮撫司

叙延綏寧塞搗巢功都督麻貴廕本衛正千戶

廣西總兵官王化熙廣東總兵官童元鎮互調以化熙嘗鎮

浙江諳海道元鎮嘗鎮柳慶習夷事也

丙申琉球國使者于伯為世子尚寧求封許之故事必世子表至禮部尚書范謙請遣官至閩俟世子表來給之

汾州改府附郭設汾陽縣轄永寧州寧鄉臨縣又平陽之靈石沁源武鄉益之隸分子冀南道

套青把都兒犯甘肅總兵柳濬等擊斬百七十餘級副總兵何崇德亦有功共斬六百三十餘級

丁酉巳刻京師再地震

戊戌命脩省

戶部左侍郎陳于陞為南京戶部尚書南京刑部右侍郎王樵為南京右都御史南京提督操江右副都御史賈待問為兵部右侍郎巡撫陝西右僉都御史張養蒙為左副都御史
回院

辰沅屬衛哨兵作亂尋戢

辛丑御史高舉陳河患曰淮水之患起於高家堰之築張福之隄而高堰東堰高賢淮陽未可盡去惟周家橋大小澗口武家墩綠楊溝及前所浸惠會河等處於滾水石壩外浚河築岸使白馬汜光等湖會入邵伯湖高賢間舊十二閘外疎

十二河泄湖水而注之海入灣頭而下舊有芒稻河揚州而南舊有瓜洲儀真閘宜改前閘為壩跡芒稻河以南皆入海之道

南京工部主事樊兆程言欲導淮先跡黃欲跡黃先闢海然舊海口決不可濬當自鮑家營至五港口浚河令從灌口入海章下所司

六朔邗巡撫南贛汀漳右副都御史謝杰為刑部右侍郎前巡撫雲南右僉都御史陳薦為南京右都御史提督操江總理河道工部尚書楊一魁言清口宜濬黃河故道宜復高

堰不必脩石隄不必築減水閘壩不必用工是之

乙巳閣臣請元子暑月報講不許

戊申立真定順德保定河間常平倉巡按直隸御史錢夢得請之

故榆林游擊史見贈都督僉事立祠

庚戌命雲南土司思化復居蠻莫

御史區大倫言節省大要不報

辛亥御史夏之臣請決高家堰一即大澗口淮水所東趨也築自潘季馴始淮水就下取道大澗口奈何阻之章下所司

甲寅選翰林院庶吉士高承祚何宗彥顧秉謙黃志清林秉
漢白瑜郭洵孫如游朱延禧趙用光鄧士龍梁有年南師仲
陳之龍劉一燝劉綱劉餘澤俱祺同鼎甲朱之蕃湯賓尹孫
慎行隸業

辛酉吏部尚書孫正揚考滿進太子少保

壬戌戶科給事中黃運泰言治河之策當治下流今日欲安
祖陵必泄淮水欲泄淮必浚黃河下流束泄而遽開高堰周
家橋淮流南下黃必從之亡論高寶數縣為沼淮水且終過
於黃而壅如故今惟浚五港口達於淮入海章下所司

乙丑登萊總兵官楊文正山東按察僉事李根俱貪虐論免
右春坊右中允周應賓為南京右春坊右諭德署翰林院事
南京戶部尚書李戴為工部尚書

有男子劉行潔詣闕自劾諭都察院下巡按御史理其枉

丙寅予故吏部尚書孫寵祭壘贈 謚清簡寵字

餘姚人 丙辰進士

丁卯福建偵倭把總劉可賢齎畫姚士榮下臺訊以携夷僧
入且受貨也

庚午曹允成嗣豐潤伯

予故戎政兵部尚書賈仁元祭塋
辛未賜晉王敏淳書院曰賢善

七月丑署詹事府事吏部左侍郎兼翰林院侍讀學士劉元震
禮部左侍郎劉楚先同教習庶吉士

時泗州水患減蠲漕糧馬價草料三年

戊寅禮科給事中楊天民言建文君年號不宜革除方脩史
乞賜復章下禮部

前南京都察院右都御史胡嘉謨卒予祭塋

己卯初巡按直隸御史趙文炳劾吏部文選郎中蔣時馨倖

進鬻爵下廷議尚書孫丕揚代時馨辨御史高舉等云言官

論人會議非體上特諭內閣曰文炳論賄不啻數千金丕

揚全無指實卿等可示該部今後務精白乃心

嘉定歲漕米十萬六千四百九十餘石土不宜稻正米折七

銀改兌折六銀著為令

申飭陝西各鎮秋防

甘肅總兵官楊濬為中軍都督府僉書

庚辰司經局洗馬劉應秋為右春坊右諭德兼翰林院侍講

脩撰朱國祚為洗馬編脩郭正域為右中允

立愍忠祠祀右屯衛陣沒省祭贈千戶朱臣

改故大學士殷士儋謚文莊舊謚文通

壬午貴州定番州木仄長官司副長官顧袁寵妾殺其妻又脅妾死
巡按御史薛繼茂以聞命下臺訊

癸未南京光祿寺卿李汝華為右僉都御史巡撫南贛汀韶
太僕寺少卿王士性為右僉都御史巡撫河南

甲申宣甘鎮之捷

協守臨洮副總兵王賦業為平羌將軍總兵官鎮守甘肅
丙戌蔣時馨削籍時馨漳平人萬曆丁丑進士知新喻調嘉

魚遷南京大理寺評事故敝衣冠從鄒元標輩講學因歷考

功文選二司及被劾請廷質且曰戎政兵部左侍郎沈思孝

庇浙江海道副使丁此呂避察不得又求少宰不得同右

諭德劉應秋大理右少卿江東之等託李三才授趙文炳冀

陷太宰而代之上怒其瀆辨

太僕寺少卿王國調外王士性辭河南巡撫云臣品望不及

王國上怒其矯且王國使氣致之并調士性南京

戊子解州崇寧宮改英烈祠祀漢關羽

各省直輸金花銀不及額浙江江西廣東福建布政司官各

奪俸六月

前總督蕭遠右都御史兼兵部左侍郎周詠卒詠字思養延
津人嘉靖壬戌進士知魏縣擢福建道御史出按宣大山東
乙亥擢大理寺丞丙子進左少卿丁丑進右僉都御史巡撫
山東轉總督墾田千四百畝築臺垣七十餘數敗進兵部右侍郎
詹錦衣正千戶後乞休年六十三

申用懋曰士大夫居平抵掌而談穰苴易與耳即有緩急
輒瞪目而視偃俛而趨何易也方亥丙揭獺時十萬浴
鉄之騎交錯於我儲胥者幾五載小入小利大入大利雷

事莫敢誰何而公從頌其間恢乎有餘地卒之宣威振
律飛捷明光俾天子無東顧憂夫非社稷之衛也與哉

已丑涉縣石鐘崩有聲如雷

庚寅宋儒周敦頤父諫議大夫輔成從祀孔廟啟聖祠巡按
湖廣御史徐元魁言之也

癸巳命武定侯郭大誠祭祖陵及淮黃二瀆

甲午逮故浙江海道副使丁此呂時蔣時馨既斥尚書孫正
揚謂虜由丁此呂蓋沈思孝以此呂建言不宜祭正揚遂上
此呂訪單會婪贓跡雖建言無偉脫理命逮下獄而正揚與

思孝交惡矣

談遷曰士不以一節概終身建言諸臣始而悖繼而靡
骨鯁成性者幾人類多負氣借叢共標門戶蔣節中貪
淫無足論丁此呂之名非真跡繫對簿之日承服硃
砂床十具則其人可知富平懼以選即累喜同伐異訪單
進御其細已甚倘虛舟飄瓦一以無我處之雖沈司馬護
前亦相忘於大道矣

丁酉南京太僕寺卿徐大任為南京光祿寺卿
游擊沈惟敬報倭焚柵渡海

己亥徐弘基嗣魏國公

庚子朝鮮以日本謝恩人舟取道對馬島經我恐啟釁願如
總督顧養謙所議貢道仍出寧波兵部惟徇沈惟敬不許

是月安南黎惟潭復遣官目黎早用等從安邦浮海來廣西
請罪求納款左江道副使楊暉秋奉檄令龍州求莫敬用等
居地云敬恭居海東敬璋居安樂已敬恭願徙高平

八朝丑朔固原地震

前巡撫浙江右副都御史常居敬閑任日者以給事中勘河
失護祖陵也

十 把兒謀犯遼東總兵董一元出塞擊斬百十九級

壬寅國子司業葉向高為右春坊右中允兼翰林院編脩纂脩正史

故遼東

游擊史儒贈都督僉事立祠子鳳襲本衛正千

戶

癸卯太僕寺少卿王士性為南京鴻臚寺卿

甲辰勘河工科左給事中張企程言隆慶末高竇淮揚告急當事狃於目前清口既淤又築高堰隄張福以東之障全淮以角黃舉七十二溪之水滙於泗者僅口數丈出之出之十

一豬之十九河身日高安得不倒溢以灌泗乎今高堰費鉅

未可議廢且屏高竇淮揚亦不可少周家橋北去高堰五十

里其支河接草子湖若浚三十餘里一自金家河入芒稻河

注之江一自嬰溝入廣洋湖連之海則淮水泄矣武家墩南

距高堰十五里偏永濟河引水自靈濟閘出口直達涇河自

射陽湖入海則淮之下派有歸此急救祖陵之議也

乙巳署翰林院事余繼登以纂脩正史請兼採家乘鄉評報

可

副總兵劉綎為總兵官鎮守臨沭

己酉南京左春坊左庶子兼翰林院侍讀馮夢禎為南京國子祭酒大理寺左少卿荊州土為右僉都御史巡撫河南
辛亥分界四川松潘副總兵萬鏊為總兵官鎮守四川
丙辰御史馬經綸以萬壽節乞臨朝賀不報
丁巳寧塞深入二百餘里飽掠去之

壬戌南京國子司業李道統為左春坊左中允署國子司業
浙江金盤衛守備獲島舟乃琉球人失風者命歸之

癸亥固原游擊梁繼祖以丁犯西安州不戰戍邊

戎政都察院右都御史沈思孝言孫丕揚庇屬員國御史馬

經綸附丕揚因乞休丕揚亦乞休不允

廣西昭平叅將白斯清剿貴縣五山賊失利賊四掠左江道
副使楊夙秋設方略定之

乙丑祖陵積水落

戊辰宋金領錦衣衛事時衛闕二年有奇

永寧土婦奢世續奏臣子崇周嗣職從討楊應龍有功僕沙
白蠱毒死請以白就吏

九庚午朔朝鮮國王李昖奏長子臨海君肆陷倭疾久次子光
海君瑄收集離散奉旨駐金慶道宜嗣禮部執不可至是復

以舉國臣民啟上禮科薛三才駁其非制即世亂先有功俟其國定議之報可

協守漳潮副總兵周于德為南京右軍都督府僉書

免陳州等水災田租有差

辛未賑河南饑截漕八萬一千一百石銀二萬六千八百金有奇

誠意伯劉世延言大峪山壽宮非真龍通政使田蕙奏其妄言不報

乙亥四川左布政使余一龍為南京太僕寺卿

癸酉四川道御史牛應元請復建文年號下部議

甲戌占墾荒地地俱贍邊

丙子命京省各提學官採所部人物行實以備正史

丁丑報固原延綏將領巡邊斬九十餘級

南京都察院右都御史王樵致仕

罷臨沘副總兵設總兵鎮守轄河沘岷階

戊寅改折江西新建等縣田租有差

海、永邵卜等犯甘肅叅將達雲游擊白澤等擊斬六百七十餘級

已外南京禮部尚書黃鳳翔不至

清河盱眙桃源高郵寶應興化以被水折徵田租二年

庚辰前協理戎政都察院左都御史兼兵部右侍郎賈仁元卒予祭葬

壬午宣遠東搗巢之捷

乙酉毛德祖嗣南寧伯

詔復建文年號附太祖高皇帝紀末禮部覆楊天民牛應

元奏曰太祖元史可脩奈何失其實於當代勝國之君可

謚奈何削其號於本朝景泰之位號可改奈何斬其名於建

文一時死事之臣尚可褒錫奈何遺棄其君而今湮沒於百

世之後建文位號在昔年原無降削之文及此纂脩之時於

高皇帝實錄中自洪武三十二年三十五年遺事復稱

建文元年二年三年四年存其紀耳輯少帝本紀示不滅沒

談遷曰建文復年而少帝實錄不聞就緒豈當時虛塗尺

一耶抑陳相國捐館後同正史佚之也泄成風於史事

猶然况其他實政乎

套丁犯延綏寧塞靖安官軍失利

戊子固原地震

庚寅鄭世子載堉好曆學以大統曆與授時曆攷右則氣差三日推今則時差九刻於是融會二家著萬年曆上之禮部覆奏元至元四年西域札馬魯丁撰進新曆即名萬年曆未幾授時曆成萬年曆廢不行歲差之法上古無聞始於晉洛下閎唐虞喜元許衡郭守敬始以六十六年差一度考右則百年減一推來每百年增一法號精密大統曆遵之如世子所云則弦望各差一日似未至此議遂格

沈德符曰嘉靖二年華湘掌欽天監曾以歲差改曆為請謂堯時冬至距今四千年已差五十度自元至元改辛巳

曆至今二百四十三年已差三度六十四分五十分亦引洪武間元統言為証則世子疏或未盡非也

辛卯西，青把都兒部，落伯顏兔報西，在甘肅邊外三人山謀入犯游擊葛頰等追斬四十七級

壬辰翰林院編脩黃汝良為南京國子司業

乙未總督川貴邢玠同川貴撫按譚希思等奏楊應龍扼勘并善後事宜命革應龍宣慰使銜子朝棟冠帶土舍可棟竊重慶追四萬金贖罪先是玠檄應龍若來當待以不死否者購若頭萬金且早計吾不爾欺也又兵部尚書石星手示水

西宣慰使安疆臣趣應龍就吏得贖罪於是應龍上書言奏
民俟我出欲殺我乞遣使臨播州甘伏法玠許之以成都知
府臨海王士琦往勘於松坎而縛泣請罪獻逆黨黃元阿羔
阿苗等十二人於安穩輸餉四萬金

談遷曰楊氏當覆我師於白石罪不當贖即不欲重煩我
健兒曲示漢德奈何徇其飾說反就松坎而盟之手如戒
飭奏民毋私仇楊氏必楊氏面縛於制置使前如王新建
釋田州盧蘓王受事猶薄乎云爾今大義責人而輕身先
於所往彼視我何等也要盟不信受侮小醜何俟日後而

悔之乎

丙申總督漕運褚鈇議導淮總理河道楊一魁議先分黃次
導淮御史牛應元議合行之又為祖陵計黃垆口決當制小
林口於甯柁歸仁隄甯塔部覆從之柁帑五十萬役江北山
東河南人二十萬分黃導淮自黃家嘴導河分趨五港灌口
徑入海以殺黃勢毋盡入淮導淮則自清口關積沙數十里
又於高堰旁若周家橋武家墩稍引淮支派入於湖為豫後
入江入海路以岐泄之若山陽之涇河寶嬰溝子嬰溝皆可
達廟灣在鹽城則開石埭口以東開丁溪河入海鑿江都盧

冢灣橫絕運鹽河入芒稻河徑達江其射陽於河口祖陵水
漸退而水患息然淮實以黃力分及於河而出不以周冢橋
通塞為增減異時潘尚書季馴所力持毋輕議高堰意深遠
矣

丁酉臨沅地震永寧堡呈陷

犯寧夏集園堡官軍擊斬十九級

己亥冊使李宗城報倭先後去候受封始盡兵部上冊封事
宜禁冗役禁訛言禁妄報禁啟釁報可
兵部覆邢玠勘播州事以楊應龍就其黃平草塘白泥餘

慶重安五司舊隸播州乞改隸黃平通判又卹七姓奏民又
增設安邊府以重慶捕盜通判改撫夷同知移駐松山北松
坎南播州土同知羅時豐避應龍於貴竹土司今宜歸里移
安溪巡簡司為松坎巡簡司上從之

十月初五日炒忽見沙計等犯常樂堡官軍擊斬百二十餘級

壬寅吏部考功郎中王守素為南京太僕寺卿

癸卯長洲等十六州縣折徵水災田租

工部乞停山西潞紬不允

甲辰蠲蕪松等鹽課

右軍都督府火

丙午蠲江北州縣被災逋租仍賑之

戊申宣延綏之捷

南京四川道御史陳燧上勘河條議云周家橋若開則高郵寶應邵伯為壑宜疏興化鹽城支河分之出海令高郵寶應之水次第東行而周橋武墩之水可歸章下所司

陝西右布政使楊時寧為右僉都御史巡撫貴州

己酉南京吏部右侍郎曾朝節為禮部尚書協理庶事府為正史副總裁翰林院編脩楊道賓纂脩正史

折歸安烏程長興德清水災田租之半

辛亥南京戶部右侍郎周思敬為戶部右侍郎

叙延綏功進總督葉夢熊太子少保巡撫李春先右副都御史都督麻貴再廕百戶前廕正千戶俱世襲

壬子祭故右諭德武進吳中行

甲寅前日講官吏部左侍郎兼翰林院侍讀學士盛訥卒訥字潼關衛人隆慶辛未進士

己未套下失兔等糾火下寇延綏深入八日殺掠無筭

鎮守雲南總兵官黔國公沐昌祚疾致仕子獻鎮守雲南

壬戌遼東副總兵劉敏寬現。永瓦等入犯伏待之大破於爾朶峽斬六百八十餘級。

甲子叙甘州功進前總督葉夢熊太子太保田樂兵部左侍郎詹錦衣衛百戶。

乙丑進趙志臯少保兼太子太保戶部尚書張位太子太保陳于陞沈一貫各太子少保並賜金幣。

戊辰太原地震有聲。

十月己巳朔免湖廣江西河工折米。

辛未秦王誼漈請如周晉二王增給引鹽命以本色給之。

時議分黃水淮安知府馬化龍言分黃五難總河褚鈇上之。

給事中林巡春請分黃導淮工部覆開腰鋪支河從之。

甲戌吏部尚書孫丕揚稱疾甚右侍郎孫繼皋攝事。

丙子嘉興秀水地震有聲。

丁丑工部虞衡司員外郎樂元聲言將時馨以貪斥御史強

思給事中黃運泰祝世祿等曲庇之遂波及沈思孝江東之

等言官攻言官大臣攻大臣不若俱罷之。

戊寅貴州總兵官都督同知李如柏為征西將軍總兵官鎮

守寧夏。

兵部尚書石星辭少保

癸未前南京禮部尚書王弘誨起舊任太子少保南京兵部尚書楊成蕙南京都察院右都御史巡撫湖廣右僉都御史郭惟賢為左僉都御史回院

四川松潘副總兵沈尚文為署都督僉事總兵官鎮守貴州丁亥御史袁九臯請檢發章奏連補大僚不報

甲午巡撫山西右副都御史魏允貞終養

丙申巡撫延綏右副都御史李春先為戶部左侍郎巡撫寧夏右僉都御史周光鎬為大理寺卿湖廣左布政使李得陽

為右僉都御史巡撫湖廣

丁酉嘉定地震聲如雷

十 肚 巳 亥 朔 山 東 布 政 司

叅政余寅致仕加太常寺少卿

追封弼楹會寧王從其子會寧王縉劾之請

庚子考選軍政左軍都督府僉書署都督僉事歐繼宗後軍都督府武安侯鄭惟忠等閑住

甲辰總督邢玠進右都御史

乙巳增設河會守備築堡寘戍拒套於河上

戊申鎮番副總兵馬應龍甘州副總兵何崇德俱加署都督

僉事

已酉勅魏國公徐弘基奉祀孝陵

前巡撫貴州右副都御史彭富卒予祭塋

緬甸莽應禮前託孟良二土司求款且致方物命材官黎宗桂等以金幣往至境不受禮部謂據土司轉申黎宗桂傳說於莽應禮無據遂不問

朱國楨曰西南夷探引土番盤山襟海其人巢居穴處自相君長前朝不聞用兵我明開設雲南比於中夏諸夷接壤不得不招撫為我外藩美性無常好殺喜鬪不得不

用兵以張捷伐黔公威之於先正統中先後征討歷十年糜費財力分茅不為無功拓地竟成烏有猛密勘處大致紛紜緬人其始甚微久乃滋橫離合進退梗且百年夫以歷朝布略方置悉本省兵力以夷攻夷似非難事而蠹起侵漁習成虛冒請餉與請兵以無時羽書共捷書而兼上任非一人每有投荒傳舍之憾報稱萬里不免臨渴掘井之憂迄於今鳳氏小醜直叩省城安民震隣幾搖全省患不在外在內爰、手殆哉

辛亥錦衣衛中所副千戶霍文炳未奏陞輒署指揮僉事

工以擅濫奪兵部尚書石星俸二月武選郎中韓範謫太和
典史員外郎曹偉芳謫賓州判官兵科都給事中劉仕瞻謫
漳州府知事

甲寅右軍都督府恭順侯吳繼爵中軍都督府崇信伯費甲
金南京中軍都督府僉事周于德錦衣衛指揮僉事李元珍
東司房理刑千戶王偉鎮守大同總兵官李東陽各劾免元
珍偉削籍甲金隱罪闕容用寄貲追入之仍奪祿三之二
兵部推西寧侯宋世恩安遠侯柳懋勛掌南京後府 上謂
世恩屢被劾遂調兵部司務 於外雲南道御史區大倫

工科右給事中張同德削籍竟用柳懋勳

乙卯巡城御史夏之臣謫海澄典史朱鳳翔謫靈白典史涂
喬遷謫新興典史時偕行謫合浦典史楊述中謫太和典史
已未京師賑粥

庚申 上以霍文炳切責兩京都給事中署道御史各鑄三
級謫外兵科都給事中吳文梓謫崇善典史河南道御史俞
价謫兩淮運司知事四川道強思謫長蘆運司知事兵部武
選司主事江中信謫葭州判官程僖謫雅州判官陳楚產謫
鬱林州判官司務錢銑胡士奇謫慈利仙游訓導霍文炳司

禮太監張誠蒼頭也怙勢冒秩命籍其家并張誠没入之誠
兼東廠內官監印弟勲私娶武清侯李氏所任內官蕭玉王
忠俱婪肆上斥誠命田義領司禮監孫暹總督東廠其張
誠張栢及張勲張紹寧等霍文炳文燦及王玉錢恩李承德
李輔耿遜馬義王用馬章蕭玉王忠段秉忠張懋忠霍朝王
詔喬進金忠各籍其家誠謫南苑淨軍勲文炳及內官張栢
等十餘人論死後錢恩張勲蕭玉王忠伏誅
巡撫貴州右僉都御史楊時寧改巡撫寧夏
壬戌刑部江西司
徐維藩以前訊費甲金事降初浙鹽

運司判官

癸亥鳳陽皇陵火延藝松柏官署

署兵科事刑科左給事中徐成楚言今年七月八日報倭歸
六萬八千餘人今又閱月倭衆常盡李宗城尚何所忌而不
行耶宜責宗城確奏一涉欺妄責有所歸章下所司

甲子陝西地震聲如雷

乙丑時謫科道三十四人部曹九人閣臣疎救請臣不報

丙申萬曆二十四年

正朔辰朔 工不朝

辛未巡撫應天朱鴻謨等奪俸有差以輸幣不堪也
前總督兵部尚書魏學曾卒學曾字
涇陽人嘉靖癸丑
進士

癸酉先是東 伯彥罕等期正月犯河東署兵科事刑科左
給事中徐成楚乞預備報可

後軍都督府僉書懷寧侯孫承恩領右軍都督府
大學士陳于陞沈一貫各疏宥謫臣不報

丁丑給事中耿隨龍鄒廷彥黃運泰黎道昭孫羽侯毛一公
伍文煥費必興盧大中御史李宗延姚三讓王慎德薛繼茂
馮從吾顧際明袁可立秦才吳禮嘉王有功李本固柳佐聶
應科李文熙俱削籍以霍文炳事不糾也吏部尚書孫丕揚
左都御史袁貞吉等各疏救不聽

戊寅紹興金華衢州南糧自今年改折戶部恐倉糧不繼命
改折五年仍徵本色

己卯神樞營右副將署都督僉事任自強為總兵官鎮守居
庸昌平

庚辰兵部狗例請考察京營將領從之命三月司禮太監田義閱視團營

鳳陽守備太監杜用免

甲申署兵科事刑科左給事中徐成楚言沈惟敬市井無賴不可信乞勅冊使李宗城等實報否則臣以白簡繩其後事
下兵部

吏科給事中張正學言昨遼撫李化龍云清正未行或報懼誅阻封或報帛迎冊使據沈惟敬云擇十二月六日隨冊使渡海又云若風不利則擇十六日語涉支吾臣俱未信兵部

言冊使並渡海至日本南瀟崖平稠信以二百艘先後至釜

山相迎又聞曰傳清正回巢請貢李宗城馳報從之

伏恙伯李承功為後軍都督府僉書

夜月犯土星在張宿

丁亥吏部右侍郎孫繼皋為左侍郎戶部左侍郎裴應章為

吏部右侍郎大理寺左少卿江東之為右僉都御史巡撫貴

州山東右布政使劉奎為右僉都御史巡撫延綏

安鄉伯張世恩領南京左軍都督府

己丑河南道御史馬經綸言 皇上近來厭惡言官動責以

聒擾忽又以箝口責之臣竊見言官之箝口者有五罪焉
皇上不郊享言官不爭罪一 皇上不廟祀言官又不諫罪
二 皇上報朝講言官不陳罪三 皇上任賢不篤去邪不
決言官不能救罪四 皇上好貨嚴御言官不能止罪五
上怒不報諭吏部鑄二級調外母推用

御史周家棟請御朝祭曰大祀文臣五品以上武臣四品以
上及都給事中皆陪昨孟秋陪祭自輔臣下十數人豈所以
尊崇廟宇令甲侍衛會極等門各列直午門旗尉五百人餘
銅牌之屬不預焉臣巡視時見兵衛不能糊口解銅牌市酒

細民闖入禁地是豈所以尊朝廷乎俱繇 皇上靜攝臣下
泄、今且亟申飭却報非兵科發抄毋派布部覆如議

庚寅工科都給事中林熙春等疏救馬經綸請熙春茶陵州
判官經綸東鄉典史

江西等道御史鹿久徵等疏救請臣降久徵澤州判官餘奪
歲俸

前陝西總兵官署都督僉事張剛為神機營右副將

夜月掩心宿大星

甲午翰林院編脩方從哲為國子司業

吉王翊鏗請以庶長子龍陽王常淳進封世子其次子常汶常激例鎮國將軍為乞郡爵上特許之不為例

二期子兵部左侍郎李楨左副都御史張養蒙清理軍政貼黃國子祭酒楊起元為南京禮部右侍郎光祿寺署正改用科目

壬寅禮部尚書范謙請

皇長子冠禮報聞先禮科給事中

楊天民言之不報

癸卯賑白河平利洵陽興安饑

甲辰予故武靖伯趙光遠故刑部左侍郎邵陞祭墓

夜月犯畢宿

丙午順天府尹錢藻卒

丁未安南黎維潭復使至言款事如約

戊申西下失免謀入寇巡撫李春先總兵麻貴等分三道

出塞搗其巢擊斬四百九級初西寧孤亘山南控扼青海國

初設安定罕東曲先打斤家世四衛以撫降羗正德套下亦

不刺闡入殘四衛嘉靖末俺荅南牧萬曆六年寄徑迎佛於

海南立仰華寺而永邵下遂負海稱雄火落赤等並渡河南

牧兩河東西皆下經略鄭洛斷其市道焚其寺而永邵下仍

挾市內窺至是始靖

己酉署兵科事刑科左給事中徐成楚言聞閩白閉塞海口不通一楫或謂行長羈留冊使要求五事乞勅沿海兵備一意主戰章下兵部李宗城報倭情無恙乞護軍餉且展限上許之

夜鄆縣大雷雨火光徧十餘里

自鴨子野狐橋入犯官軍拒卻之

夜金木星相犯於奎宿

庚戌南京河南道御史林培言三事審好尚辨忠邪節絲織

上怒不發明日謂借言黨救謫福建鹽運司知事

辛亥高淳大水命折徵三年

霍文炳在逃獲之下鎮撫司獄

癸丑叙西寧功進李汶兵部尚書兼左副都御史詹錦衣副

千戶餘陞詹有差進石星少保

王允忠嗣成山伯應龍子

甲寅兵部請科臣往勘東封從之

乙卯脩延禧宮

夜延安舊安邊營佛郎機上有光二更熄

丁巳海寧縣海塘成

戊午刑部四川司郎中王金星降六安州同知

己未光祿寺卿田疇為順天府尹

庚申經略孫鏞巡撫李化龍奏冊使李宗城等入營兩月餘
卒無定說可疑一小西飛丁寧約束悉已面承今又沈惟敬
先渡海講款可疑二朝鮮日本向通使命今必我使臣挈往
可疑三乞留宗城等駐釜山毋輕渡海或耳目非是即繫彼
違非我失信章下兵部

癸亥安南黎維潭遣人來言款儀未備且莫氏仇也棲之高
平不敢聞命遂宵遁已遣鄭公義來云食竭若瘴疾請俟他

日

三戊辰朔巡漕御史况上進言今日清口積沙亟當闢從之

庚午趙志臯從一品三年考滿進少傅兼太子太傅建極殿

大學士詹尚賢司丞

癸酉陝西官軍擊虜於沙嘴斬二十二級

閣臣乞行取外官補科道報聞

乙亥戌刻坤寧宮災延藝乾清宮上時居養心殿翊禱甚

切皇長子入侍上携手曰吾不德至此爾有福為予拜

禱自後不復召

戊寅告災郊廟諭脩省

巡撫陝西右都御史劉光國以擅市劾免

工部請停陶器織幣以備大工不許

辛巳沈舟閩外掠番又欲內犯臨沅總兵劉綎出擊至莽

刺川斬百三十六級獲畜產二萬有奇

丙戌夜順天董家口二營旗瑞有火光作聲

己丑賑廣西恭城平樂等三十三州縣饑蠲其租

庚寅戶部主事王紹先降代州同知

壬辰以兩宮災詔天下

甲午趙志臯以給事中劉道亨劾其貪黷乞免不許

四月丙朔工部議大工曰徵逋員曰協濟曰開事例曰鑄錢曰

查庫料曰分工曰採木川貴湖廣曰木石曰車戶曰燒磚曰

發見錢曰夫匠曰明職掌曰鋪戶曰會估各從之

己亥林縣雪

辛丑趙祖蔭嗣請遠伯光遠子

甲辰留漕米十萬石鹽課五萬金濟河工

乙巳南京右通政李植為光祿寺卿

丁未定大同編徭行條鞭法巡撫梅如楨言之也
甲寅旌魯府富平王壽鏞孝行

山東博平縣訓導孫顯吉以倭功命陞州同知

乙卯兵部報沈惟敬於二月四日同行長渡海與冊使不和
移住南柯崖而沈惟敬營千總謝隆報閔白兵二十萬謀入
犯李宗城於四月三日夜離釜山因議邊備又云宗城走慶
尚抵王京惟敬被執巡按山東御史李思孝上之

戊午廣州海防游擊彭信古賂總督陳大科千金被發下臺
訊

乙丑冊使楊方亨報正使李宗城雖逃倭情未改兵部乞以
所封勅印即授方亨有旨逮李宗城選科臣同楊方亨往封
總督京營臨淮侯李言恭免

五丁卯朔河道御史周孔教論石星誤國并及趙志臯命下廷

議

封常瀛衛王翊銳新樂王萬甸新寧王常汝德化王常濂福
清王常濫毅城王新涯寧河王英燧東安王肅溟保寧王肅
游遂寧王朝陞海陽王
吏科右給事中葉繼美論石星不報

林縣大雨雹斃人畜

已巳 上欲遣科臣瑛封閣議改楊方亨沈惟敬 上諭內

閣曰南北諸臣詆封事者十七人今遣科臣且封且勘也

庚午趙志舉等言臣等任事數人耳故言封少他皆旁觀論

事故易石星言使琉球用文臣封 止用武弁果閔白欲封

遣楊方亨甚近若遣科臣旬日始出即無程須兩月遂改方

亨惟敬正副

巡按直隸御史曹學程言改封使非是本兵欺矯必狡倭計

陷我據李宗城密揭云閔白執沈惟敬脅七事原不為封夫

倭狡甚得封不已必求貢必求市必求婚必朝鮮納賦必割

地必席卷朝鮮東渡以危薊遼末貢趙志舉 上怒其轉激

遣科下學程錦衣獄

甲戌諭吏部即推科臣一

乙亥吏科左給事中葉繼美等上章劾咎 上謂其抗違避

難繼美王佐削籍劉道亨等奪歲俸并奪禮兵部堂上官俸

四月司官蔡宗明賈維翰等又朱長春樂元聲亦削籍

豐城侯李環領南京中軍都督府

犯固原永安堡守備李如圭防守虎師尉失利下臺獄

癸酉戎政右都御史沈思孝請亟脩戰守博採謀畫科臣不
必遣

丙子會議東事言調兵集餉不一沈思考獨責石星謂禮部
尚書范謙佐之謙曰訛言遠在數千里公能知其心壞乎思
孝曰冊使潛逃損威辱國釀禍已極尚附和邪臣誤國乎謙
失色而退兵部左侍郎李栢彙衆議上之 上諭封事成否
止論止有戰守薊遼督撫等官可整師守隘協練朝鮮其天
津登萊浙直閩廣各督撫將吏通飭守禦又薊遼總督卽檄
朝鮮厚積芻糧待援

予慎行曰閔白封貢之議一時臺諫部司工跡力諫月無
虛牘爭之誠是也然皆揣摩情形泛論事理至於日本沿
革絕不考究有謂祖訓絕其封貢二百年來不與相通者
覽之為失笑日本在洪武初年雖絕其貢至永樂以來即
以金印詔書封其國王每朝易位輒賜日字勘合若干號
六年一貢費勘合而至人無貨物皆有定數嘉靖二十九
年入貢以後始不來耳奈何謂二百年不許通貢又倭中
自有國王州郡官長類如朝鮮可考知亦不問其巔末而
從一二舶商之言所指地方官職皆以洪荒創造未經締

構者尤可矣也。四夷封略在禮部封司大司馬石公徒欲
取效目前不暇深考竟不知日本為何國閔白為若何人
盈庭之言皆如吟嚙以此禦難何以為國可仰屋竊歎者
矣

丁丑增各省直協濟大工銀有差

戊寅石星再請解部事身往朝鮮議東封戰守如未允求斥
上不許

庚辰閣部大臣各疏救葉繼美等 上於禮部尚書范謙疏
切責其違旨司官周嘉賓等司務徐文斗等俱削籍毋推用

吏部言請臣如教習駙馬萬建崑賴克峻命往山海關張時
顯并署員外郎張日新主事湯東莖未誥俱先遣外似難並
降遂宥建崑等奪歲俸

夜撫寧隕星為石

辛巳兵部報閔白怨清正阻封今盡撤清正等渡海責行長
正成治舟館穀天使已焚各營今沈惟敬任護屋為日本要
地則倭情無變命補給誥勅冠服

吏部以東事告急備開事例從之

癸未楊方亨報朝鮮護軍黃慎見任釜山問慰及臣又沈惟

欵報自桐馬至南皮島館穀甚厚云李宗城住慶州
彭澤諸生萬事仁上所著資易太平書

丁亥松「復據莽刺川掠番人內犯官軍禦卻之

辛卯總督葉夢熊子襲錦衣衛仍加指揮同知總督

李汝子國楨襲錦衣衛左所副千戶

定海衛鎮遠樓災

六戊戌通政司使田蕙奏楊應龍遣人楊鰲覬萬金下鰲法司
套「吉能謀入寇巡撫李春先總兵麻貴檄擊之叅將杜松
出清平斬十五級計松「以我小捷必弛備復令部將李義

等出波羅堡乘「後夜襲斬四十五級

辛丑南京兵部主事趙學仕侵帑降饒州通判

壬寅司禮太監田義乞簡發內外章奏

甲辰增天津路總兵

許閣部等捐俸助大工

丁未司禮太監田義乞寬宮人內官刑罰不報

庚戌賑福漳泉興化水災

巡撫大同右僉都御史梅國楨進右副都御史

辛亥前詹事府詹事兼翰林院侍讀學士劉虞夔卒虞夔字

高平人隆慶辛未進士

予祭葬

壬子予故廣西總兵呼良朋祭葬

癸丑設青州顏神鎮捕盜同知給關防

甲寅工部侍郎徐作提督大工

丁巳前總理倉場戶部尚書耿定向卒定向字在倫麻城人

嘉靖丙辰進士授行人進雲南道御史數言事巡按甘肅視

南畿學政並有聲進大理寺丞忤高拱謫橫州判官量移

州推官萬曆初自工部主事進尚書丞累遷右僉都御史憂

去起撫福建又憂去起左僉都御史歷南京右都御史長戶

部好講學其說主王氏所著書甚富予祭葬贈太子少保謚

恭簡

庚申免泗州盱眙田租

府軍前衛副千戶仲春請開銀礦助大工從之下戶部命戶

部錦衣衛各一司仲春開採戶科給事中程紹工科給事中

楊應文各疏諫不聽紹曰嘉靖二十五年七月命採礦自十

月至三十六年委官四十餘人防兵千一百八十人庫器鉛

炭共三萬餘金纔得二萬八千五百餘金得不償費

自沘河口犯沘岷恭將孫尚賢拒卻之斬十一級
壬戌戎政右都御史沈思孝上五事久任特領教練標兵舉
用豪傑增補馬匹繕脩戰具從之
七月外吏部請發推補章奏不報

錦衣衛百戶陸松鴻臚寺隨堂官許龍等順天府教授馮時
行等經歷趙鳳華等各言開採助大工從之自開採一倡廢
弁白崇獻諛日至

命戶部郎中戴紹科錦衣衛

往河南南陽開礦

下南京兵部主事趙學仕戶部主事褚用賢於獄俱墨敗先

為工部侍郎周思敬所緝初擬戍後改擬外調卒是御史朱
吾弼申劾因及尚書趙參魯失出趙志舉曲庇故有是命

命戶部於真定保定薊易永平開礦庶事府錄事曾長慶奏
開夏縣礦從之

已巳刑科都給事中侯廷佩請弛獄釋曹學程不報

松「犯軍夏都指揮僉事劉繼爵坐視不出副總兵馬孔英
來保拒卻之繼爵免

吏部文選郎中唐伯元言數月以來章奏留中臺省即署方
面赴京候補勒至經年內外官俸大率踰期不遷誠臣擬議

不當乞賜罷斥不報

庚午尚寶司卿徐璞致仕

壬申御史劉景辰監督工程

癸酉楊方亨報六月望日渡海東封

戶部尚書楊俊民言真定保定薊易永平開礦恐妨天龍脉

上謂距陵遠且皇祖嘗開之母借阻

甲戌兵部乞禁訛言從之

丙子浙西河水忽涌起二尺餘

丁丑仁聖皇太后不豫

昏刻東南白氣貫月夜月犯南斗 二星彗見西北如彈

九蒼白色芒指東南入翼宿長尺餘行入西北

戊寅 仁聖懿安康豫皇太后崩遺詔曰予以非德配 穆

宗臨皇帝於潛邸者九年比即位初元升僊宸極母儀天下

者六年不幸 昭陵上賓予哭、在疚歷今皇帝光緒歷服

純孝天至屢薦徽稱聿隆敬養者又二十四年於茲尊榮祉

福亦既備侈頃當履疾危嗷皇帝躬省藥膳叩禱神祇尤竭

虔悃茲得永終天年復侍 先帝左右夫復何憾念 皇帝

負荷 祖宗鴻業艱鉅專勞萬幾為重不得過於哀戚 云 云

甲申太常寺少卿鄭繼之為右通政左庶子李庭機為國子祭酒

乙酉承運庫太監王彪戶部郎中戴紹科錦衣衛僉書張懋忠開礦於真定保定永平薊易

丙戌錦衣衛鎮撫司僉書楊宗吾開礦河南

己丑巡撫順天右副都御史李頤請止陵京採礦不報

壬辰兵部給關白誥勅報七月八日抵奎山

是月廣東大旱

丙申朔錦衣衛百戶吳應麒請山西夏縣開礦府軍後衛指

庚戌招礦盜開採仍編富民為礦頭太監王彪言之

留守後衛百戶王守仁訐奏祖故王弼為國初功臣封定遠

侯長女為楚王元妃弼子幼遺骨寄楚府賜田八十六處赤

金六萬八千銀二百五十餘萬珠寶無算傳至王錦沒

其寄銀其田利積可八百餘萬乞追助大工下部議

壬子萍鄉人羅正彝上所輯帝範錄二部

丙辰四川雜谷安撫司土夷請秦李冰漢姜維唐德裕祠額

賜曰靈祐

丁巳通州城成順天府

己未 總兵官麻貴罷

壬戌河內天鳴星隕常平鎮膚黑中白柘城柳樹生人像方
操兵孤突出不見

大學士張位乞罷不許時吏部尚書孫丕揚乞休疏二十位
擬放而不揚實無去意故銜之

癸亥孫丕揚言權臣坐謀鷹犬效力義難再留乞速放避整
以閱臣張位黨丁此呂及戎政右都御史沈思孝御史周孔
教給事中劉道亨也 工切責之閣臣陳于陞沈一貫代為
位辨 上責丕揚無大臣體次日丕揚請告有旨宜協恭和

秉母相抵牾

甲子蕭如薰為左軍都督府僉書

勅兵部 侍郎李楨覽兩宮大工班軍

靈著產於項城有異雲覆之

閏 丁丑朔巳刻日食

太監陳增同府軍衛指揮曾守約開青沂棲霞招遠等礦時
錦衣衛百戶江文通言沂州礦指揮郝承爵言曹縣礦指揮
劉鑑言棲霞招遠等礦指揮馬清言文登縣礦千戶趙良將
言沂水蒙陰臨朐礦

丁卯西。肅台吉犯甘肅羊營堡官兵禦卻之
吏部尚書孫丕揚罷初丕揚道值張位抗輿位不拱遂隙
于慎行曰丕揚清謹品也平生建樹表儀取信海內及掌
天曹甚副人望而一二舉動頗失大體如以訪單揭帖按
丁此呂之贓罷免其官此未為過及見丁黨交攻急於自
白遂揭帖進呈以明不妄而揭帖所開贓至數萬致激聖
怒丁適戍江右之士群然交攻而孫不能安其位矣以揭
帖察吏已失公平至於私揭呈覽尤非體例且揭中贓至
數萬如果得實豈止罷官是自實其縱也

九月酉前南京兵部尚書楊成致仕

戊戌河工成總理河道楊一魁總督漕運褚鈇等陞齊有差

太常寺少卿鍾化民為右僉都御史巡撫河南起顧養謙都
察院右都御史兼兵部右侍郎協理京營戎政

己亥巡撫山西右副都御史魏允貞乞停採礦不報

改景東衛儒學屬景東府

庚子火落赤入犯平。營禦卻之斬二百七十五級

甲辰慶成王府宗室新璽有罪廢為庶人

丙午伏羗伯毛國輔卒

免長垣縣秋糧十之四

戊申 孝安皇后梓宮發引 上疾不出閣臣言勉之不聽
太監王虎論一保定巡撫李威春阻撓開採 上切責威春
庚戌徵士周天球卒天球字公瑕太倉人諸生工詩翰 世
宗時嘗徵入有隱操亡子

辛亥報入 入學夏奮威堡官軍擊斬三百二十六級

壬子勅旌韓王朗琦賢孝

前鴻臚寺主簿張以述獻白鹿

癸丑 犯薊鎮石塘路官軍禦卻之

是月惠安縣地大震

十 丙寅太白晝見

庚午蠲陝西秦州秦安會學等通租

辛未刑部尚書蕭大亨請釋曹學程 上怒其抗違論死

壬申贈舒化太子少保

御史蔣春芳上河工善後事宜

丙子諭暫停刑

丁丑刑科都給事中侯廷珮等乞推廣停刑普及天下不報
戊寅左副都御史張養蒙奏今日三輕二重部院之體漸輕

科道之職漸輕撫按之任漸輕進獻之塗漸重內差之勢漸重疏上不報

己卯折徵杭湖嘉興水災秋糧有差

連東總兵官董一元劾免

庚辰詹事余繼登為禮部右侍郎

辛巳甘肅番僧著爾刺麻宛卜請立寺全口鐮尖堡塞外許之

壬午曲阜知縣孔貞教有罪免命於本縣科貢選補

都察院右都御史徐作提督乾清坤寧兩宮工程

西火落赤突犯松潘攻漳臘堡守將張良賢等擊敗之斬百十五級退屯阿土嶺時購擒火落赤許世爵

癸未薊鎮總兵都督同知王保為將軍鎮守遼東

薊鎮報羅文峪敗斬四十九級

丁亥免扶溝等州縣災租

己丑尤繼先為鎮守薊州永平兼備倭總兵官

壬辰象房倉災

十一戊戌蠲河間等府水災田租

己亥許烏撒土官婁教良世襲知府暫令祿墨婁婁氏仍舊

冠帶催賦奉約不得相傾仍責安紹慶等獻阿備贖罪其烏
撒印責奢隴高獻出

成山伯王允忠領南京右軍都督府

庚子戶部郎中戴紹科進礦沙銀自後進者踵至

英國公張元功卒

辛丑遼東副總兵祖承訓戍都勻衛

壬寅犯遼東鎮遠堡官軍追斬一百九級

甲辰兵部報九月朔閏白受封九日冊使回至南戈壁

沂州生李廷元上本草綱目

丙午 土舍木青賂雲南左布政使楊芳卻之事聞命

紀錄

丁未停助工起選例

成山伯王允忠提督操江管巡江

己酉蠲平衛屯租

辛亥命嚴訊楚府寄貨

乙卯毛國器嗣伏羗伯

十二丙寅套下失兔切盡夷婦等悔禍乞款諭兵部須定約

東倭一年毋犯而許之

總督薊遼孫鏞奏閔白因朝鮮不遣王子致謝議入犯宜備
章下兵部

壬申命太監曹金採孝豐諸暨等礦太監趙鑿採陝西西安
等礦

予故工部尚書雷禮祭葬

甲戌楚王奏寄賢之安

上悟停遣官

乙亥太子太保禮部尚書兼文淵閣大學士陳于陞卒于陞
字南充人隆慶戊辰進士及第授編脩庚辰進洗馬己
丑再日講進詹事庚寅請立儲辛卯進禮部右侍郎署詹事

府壬辰主禮闈尋進禮部尚書請脩正史直閣明興父子直
閣獨于陞與父以勤也性好書諳練典故年五十二予祭葬
贈少保謚文憲

沈一貫曰本朝相君子取高第者自陳王雋劉來雖成都
之博雅尚不免於口此世尤甚而無不帖服公誠有以服
之士大夫嚮於中外幾二十年公入而稍戢亦善調劑辛
甘燥濕之效易名時惟勤學好問博聞多能可狀躋之宋
文華彭安福費鉛山良不忝矣

丙子賜江西許真人祠曰靈祐

丁丑開藍田信陽等州縣礦

戊寅大學士張位沈一貫言留守中衛王一清請稅煤炭極害民不報

辛巳河南按察僉事安肅邢雲鷺言大統曆推今年冬至在申二刻而臣測在未正一刻大統日後天九刻餘蓋以壬辰癸巳丁酉之相加減實二百五十九刻七十二分四十五秒得乙未日未正一刻冬至取前後二十餘日計二千餘刻日、而量之秒、而較之皆同未正一刻無殊此日行所至昭、在天非人力懸相所致也乃大統曆差至後天九刻計氣

應、損九百餘九而不自覺豈其未嘗筭測也今年立春夏至立冬適值子年之交臣測立春一刻而大統曆推丙子臣測夏至壬辰而大統曆測癸巳立冬巳酉而大統曆測庚戌夫立春與冬乃王者行陽德陰德之令夏至則祀方澤之期也今皆相隔一日則理人事神之謂何是豈謂細故况以立春隔日而生人之年月日時皆非矣此而不改後將何極且曆數疎密在交食日昔記之矣乃今年閏八月日食大統曆推初虧巳正三刻食九分既而臣候初虧巳正一刻食止七分餘大統曆實後天幾二刻而計閏應乃轉應若交應則各

宜如法增損之矣蓋日食八分以下利陰交前初虧西北固曆家所共知也今閏八月朔日食實在陰曆交前初虧西北其食七分餘明甚則安得謂之初虧正西北食甚九分九十六秒耶而大統曆之不效亦甚明然此八月也若或值元日於子半則當退履端於月窮而朝賀大禮當在月正二日矣又何謂細故耶此而不改臣恐愈久愈差將不深於春和之食晦不止也故曰閏應轉應交應之俱宜改也又司經局洗馬鄒德溥請脩改曆法曰臣稽古曆法自黃帝而訖帝凡六改自漢高帝而訖漢末凡五改自魏文而訖隋末凡十改自

唐太祖而訖宋末亦十改自宋熈宗而訖元凡三改許衡郭守敬雖絕智巧當亦與古人不甚遠而必其歷三百餘年之不爽此臣之所不敢信也蓋臣竊跡前事而疑今曆之不能無差焉正統十四年曆冬夏至晝夜六十一刻古法無有也此疑一也鄭善夫疏正德元年八月日食曆官報食八分六十七秒而閩廣之地乃晦十三年五月己亥朔日食起復昂合則日官周濂亦言之此疑二也欽天所奏日月食曰監曆云何回一曆云何據有二說此疑三也往年請改曆法數矣獨楊廉以為日食足徵無差也臣不知廉所云無差特謂報

食云爾抑能任其時刻分秒起復位分之蓋訛乎庶時欽入
鮑泰希曆書以為妙傳而鮑書乃謂守敬曆非是此疑四也
庚寅茂州石泉地震如雷壞城郭

辛卯丹使楊方亨報九月二日閔白受封

是年同安縣地生黑毛諸兒隨處掘吹之俱有毛長寸餘若
豕毛

丁酉萬曆二十五年

正月辰朔上不朝

大學士沈一貫婦喪予告

陝西左布政使徐汝陽為南京光祿寺卿

丙辰朝鮮告急兵部言去冬十一月丹使未回朝鮮所遣使
官卑禮薄不納仍索王子有此奏合封竣即有警宜自防不
得專恃天朝

庚申脩乾清坤寧宮

崇信伯費甲金捐歲祿助工不報

辛酉署兵科事刑科左給事中徐成楚劾本兵石星及沈一
貫雷同欺蔽趙志臯奏辨不報

是月前吏部文選郎中孟化鯉卒化鯉字

新安人嘉靖

庚辰進士授南京戶部主事丙戌賑河北改吏部考功司歷
文選起廢被誦好講學人稱雲浦先生年五十三

鄒元標曰新建之學北地諸君子多疑而不信焉信不惑

西川尤與莊平

孟秋

迨先生而三然諸君子不能不疑於新

建之言而不能不信先生之人初試民部大挽貪墨之末

不再試銓曹欲開拔茅之皇路亦足行矣不盡行者天也

巡撫四川右僉都御史喬璧星遣都指揮張神武往永寧宣

撫司索印遂掠奢世續二宅得數十萬金又污其子女置印

不問執世續以歸土目閻宗傳等各起兵救主母焚掠永寧

赤水二衛普摩二所甚慘神武與叅將周敦吉懼甚不救

二朔亥趙志臯等以日講官九經講訖請摘講實錄命講章不

得輟志臯等請欽定不報

先是四川撫按譚希思王明以西下火落赤以三千騎犯松

潘議移總兵駐松潘副總兵改游擊移建武增城堡募兵馬

集械餉留邊儲從之

嘉興湖州地震雨黑平涼大風霾

甲子寧夏平所大風頃之叅將廳獸吻生火經時方熄

巡按直隸御史龔文選請錄贈建文臣黃觀併釋姻戚翟翁
二氏下部行之

丙寅朝議倭情時朝鮮刑曹判書鄭期遠乞援連東副總兵
馬棟報倭將清正正月十四日提二百艘泊朝鮮駐機張營
戊辰夜月犯五車

己巳南京刑部右侍郎謝杰上十規略曰 陛下前兩宮同

懽今問寢久曠 孝安太后發引不送是孝親之美鮮克如

初也前太廟親祭今皆遣代是尊祖之美鮮克如初也前研
究文學揚權古今今講席虛設是好學之美鮮克如初也前

水旱不時竭帑遠賑今開礦四權是愛民之美鮮克如初也

前宮費有節今江右之陶江南之紵西蜀之筵閩中之絨往

喻額是節用之美鮮克如初也前跡諫多採今連章留中

一欲盡逐是聽言之美鮮克如初也前宗祿曲處今楚籓見

誣中璫尋出是親之美鮮克如初也前官盛任使隨推隨

補今推大僚不用闕庶官不補是賢之美鮮克如初也不

報

庚午罷昌黎開礦太監田進以與王彪爭採也

辛未給督徵天津等處店租內官關防

壬申議援朝鮮簡宣大薊遼七千人募浙兵三千七百人令朝鮮設防海司道官

乙亥張位沈一貫言擇要於平壤開城間建牙三鎮西連鴨綠旅順東援王京烏嶺勢便則輕兵趨利否則虎踞以臨之練兵屯田用漢法以教其人通商惠工以佐其費上然之

命兵部傳檄朝鮮朝鮮虞我吞併奏曰本國形勢重慶為門戶全羅府藏也倭必爭我心守倭據全羅便帆一二日抵鴨綠即開城平壤不足為固日者壬辰從陸抵平壤從水犯全羅繞出西海以舟師扼閑山島今倭據慶尚左右而釜山西

生浦為巢對馬釜山間海洋數百里為餉道若擇慶尚險要屯兵積餉庶幾有濟若屯田則土墾終不如南方議遂寢

兵科左給事中徐成楚請亟罷趙志昇石星不報

丙子石星請自往朝鮮諭兩國就盟息兵不許

江南副總兵署都督僉事朱文達為總兵官鎮守廣東

前延綏總兵官署都督同知麻貴仍原官為備倭大將軍總兵官先薊遼總督孫鑛遣葉靖國往探倭將平清正殺行長而封之清正不聽鑛以清正並無求封意奏上訐石星刑部尚書蕭大亨欲代星位撓其功張位在閣又欲樹功表異於

是科道爭劾星等朝議易本止命吏部推上經理朝鮮
甘肅地震

烏撒故土知府安雲龍弟效良率阿備來降初雲龍妻隴氏
與安國正謀殺雲龍遺腹子官保以非其出欲立雲龍弟紹
慶子效良紹慶陰令阿備推效良據鹽倉以請部議擒阿備
聽命至是降巡撫江東之請紹慶銜束阿備從之

丁丑署兵科事刑科左給事中徐成楚奏倭將豐茂等以六
十餘艘復入竹島合西生浦等倭又五百餘艘絡繹海上清
正深入晉州則朝鮮存亡不可知奸臣黨蔽謂兩國爭禮文

誰信之也

巡按浙江御史唐一鵬以時事可虞暫停開礦不報

駙馬都尉楊春元尚榮昌公主

戊寅京師風霾

己卯浙江道御史何爾健劾趙志昂誤國

辛巳南京吏部尚書蔡國珍改吏部尚書闕數月始補且命
戶部尚書楊俊民署吏部待其至

杭州火

癸未澧州安鄉縣群鴉嘶絮出火焚民居四百餘家

甲申開山西安邑等縣礦西河王知燧言之也
乙酉前應天府丞周希旦卒

先是太常寺卿徐元春致趙志臯千金求復用御史況上進
發之志臯奏辨

丙戌四川屏山縣火

丁亥大理寺左少卿連標疾去

顧養謙辭協理京營戎政不赴

翰林院庶吉士林應元服闋為吏科給事中

己丑阿木等族番人安巴等入貢

是月屬夷煖兔犯殺一僅副總兵李如梅出鎮西堡百餘里
擊斬九十一級獲馬百四十匹

瞿九思曰煖兔拱兔故我開原市夷也何其敢無道乃出
兵哉要之入而市出而仇一已成自然矣獨思嘉靖初市
不過五三日費亦無慮三二百金而止法如是足矣頃來
款賞而來遂以春秋市而費已踰千奈何乎兩兔尤桀哉
驚甚、予哉殺我將卒而閉市之下獨不行誅儻所從來
久遠未嘗不怪一驕之縱橫抑有由也

三
壬辰禮部請 皇長子冠婚不報

甲午趙志舉言會典 皇子年十二或十五行冠婚禮婚禮
常十五六歲今歲冠明歲婚而次子講讀亦明年行之命禮
部十日具儀

乙未遼陽副總兵李如梅出鎮西堡邀 失利部將亡十人
卒百七十餘人馬四百餘匹是役也如梅與叅政楊鎬決計
非總鎮意也

戊戌四川按察使川西道分守副使劉卿加布政司右叅政
兼按察僉事採木

己亥兵部以倭將清正欲移慶州乞命總督趙吳惟忠楊元

谷往朝鮮扼險赴救仍趣總兵麻貴從之

庚子 皇七子常瀛生皇貴妃李氏出

故筦河工部 主事袁光宇積勞贈太常寺右少卿

山西按察使劉天衢致仕進太僕寺卿

壬寅張位等言吏部會推遼東叅政楊鎬右僉都御史經理
朝鮮不報

癸卯泗州盱眙大火命留漕粟賑二萬石

甲辰初御史李楠巡視陝西茶馬議禁湖南茶杜私販至是
御史徐僑請仍行湖茶戶部議專漢中保寧茶湖南茶兼之

各商先漢引完日方給湖引從之
朝鮮國王李昖乞援

乙巳戶部左侍郎李春先改兵部協理京營戎政

山東布政司右叅政分守
道楊鎬為右僉都御史經理

朝鮮軍務

覈邊臣不諳邊務者改用有差

丁未賚朔州衛虛糧四百九十餘金

己酉楊方亨入朝奏臣往副使出京聽正使李宗城行止臣

駐居昌從沈惟敬屢訪清正前進云一入釜山倭即徹還臣

遂至釜山未幾宗城亦入倭情尚恬去年正月惟敬忽云預

行演禮同平行長渡海嗣聞惟敬往長弋崖行長往見閔白

相隔二三月宗城惑於謝隆忽潛出臣即報部倭情狡詐請

遣臺省或邊道前勘可封可止當事以文臣沮封改臣正使

惟敬副之初議釜山倭盡去始往封已奉兵部札釜山倭戶

各安插得宜又致書行長令臣或駐對馬島或駐南弋崖候

領補物件臣六月十一日渡海塗館私創供億亦豐八月四

日至和泉平秀吉遣勞閏八月望日領補諸物至行長馳奏

秀吉擇九月二日於大坂受封惟敬先去教禮封時拜呼萬

歲次日至臣寓言謝禮俱被地震損傷於四日遣別倭將白
惟敬責朝鮮禮文狡夷荼食其意可見當事謂行長可恃苟
完目前復責臣謝表竟封事臣思今倭果退即表遲無害今
倭衆仍集雖表何益其表文字跡未恭丙申紀年不奉正朔
兵部貽臣書云日本原未頒曆與琉球朝鮮不同又貽書臣
謂 皇上喜金珠天鷲戡惟敬因市程、禮天鷲戡以進冒
稱平秀吉程禮出南番秀吉以鋪地天鷲戡即廣東前戡細
事欺罔大事可見因上石星案札十三大旨欲苟完封事毋
壞於督撫李宗城亦跡咎本兵石星奏楊方亨反覆附會亦

上其書揭十五紙多督臣陰事命朝臣會訊奪石星職總督
孫鑛除名

茅瑞徵曰惟敬本一亡賴石司馬誤中其游說借款息兵
意雖為國而臣 持議遂仇通國之言藉口省餉盡撤戍
兵欲倚小人吾瑞成功難矣封使久羈亦稍、疑數遣心
腹偵探復飾詞迷復自甘欺罔至欲媚 上以珍珠鷲戡
防東厥官校漏言此真老而天奪其魄惟敬小人何所不
真令早如連督撫言罷遣而劉綎吳惟忠葦防戍不盡撤
亦何至講張潰裂也大臣謀國惟公與虛難矣哉

庚戌謚韓府通渭王謨。稿曰：惠穆楚府江夏王英煥曰：恭懿
癸丑申刻日旁黑日二三十餘深統移時雲隱。

乙卯總督陝西李汶以西寧甘州番族降萬餘人，宜善撫之，
勸後報可。

敬妃李氏薨，妃有寵，內臣劉用以石星故進異寶於妃，薨
上閱其奩，詰所自用，即自經。上以此惡星，追封皇貴妃。

整天壽山

戊午張位等薦邢玠可總督蕭大亨可本兵楊鎬宜奪情不
報。

己未兵部左侍郎邢玠為兵部尚書，兼右副都御史，總督薊
遼保定軍務，兼理糧餉，經略禦倭。

濬小浮橋沂河口，小河口工成，自河南徙徐邳，復見清泗，議
者謂全河水微妨運，決口不塞，恐下嚙歸仁隄，為二陵患，獨
總河尚書楊一魁謂黃堦口深淵難塞，議浚小浮沂泗築小
河口，果利運。

四朝酉朔甘肅西寧地震

黎維潭入款次諒山，我使責以六事，各條對云：印文模用
刑部左侍郎呂坤言收拾人心之要如沘蘭之戕，山西之紬。

蘓松之紗羅段絹積於無用孰若定四季袍服歲用千匹而
江南陝西之人心收以採木言之丈八之圍非百年之物饑
渴瘡痍死者亡論乃一木初卧千夫難移遭險跌傷死嘗用
人至於扛擡豈無傷痕輒謂不合式依然重伐倘減其尺寸
以其數目而川貴湖廣之人心收今礦稅無利散民間納銀
民不能支括庫銀代之豈開礦之初意哉乞勅各省直使臣
嚴禁散砂不許借解而各省之人心收自趙承勛造四千之
說而皇店開也自朝廷有內官之遣而事權重且馮保八店
為屋幾何而歲四千金不奪市民將安取足乎乞撤各店內

臣而畿內之人心收餘及國戚園囿屬納國解等事不報
甲子逮開礦指揮賈臣以詐勅印騷擾也

予故南京都察院右都御史傅鎮祭墓

戊辰千戶尹英言揚州沒官鹽利歲可六萬金閣臣沮之不
報

己巳寧夏總兵官李如柏疾免

庚午命經略楊鎬奪情視事如譚綸例

遼府松滋王憲燁謚莊懿

安南黎維潭降詣欽州鎮南關繫組跣伏昭德臺下思明府

同知李陶成解組維潭起衣履拜訖上跣服罪進代身金人
及通國臣民公跣總督原大科等諭還國俟後命其代身金
人舊像囚首面縛維潭以恢復三狀似倨改鑄俛伏收背鐫
安南黎氏世孫臣黎維潭不得蒲伏天門恭進代身金人悔
罪乞恩字莫氏原銀印許維潭暫用俟新印至歸上黎使二
十四人至京大科奏莫之篡黎其事逆先朝猶赦其愆而黎
之復仇其名正今日宜許其順以夷治夷祖宗成法 上從
之授安南都統使

蘓濬曰正嘉以來安南黎與莫二酋互相雄據爭欲得中

國之典為重而國家亦察其情形隨宜應之第羈縻多絕
耳邇莫氏中微黎氏復興旁觀之議幾於盈廷矣大都英
銳之士以漢唐郡縣為名必乘鷁蚌之勢清漲海之塵欲
變夷即華而甘心焉老成之臣惕宋元之遺佩 高祖之
遺訓欲以夷治夷如嘉靖間故事今昔之情不甚相遠傳
曰上者因之其次整齊之最下者與之爭夫治交夷亦若
此哉

葉向高曰黎莫相殘或衰迭禪程凶較逆無所等差然皆
先後輸誠王封永固國體彌尊威已加矣然後醮之操縱

有軍抑亦參伍於前事也

辛未戶部尚書楊俊民請公舉邊才并嚴舉主之法從之

免綏德等十六州縣田租并賑鄜州等十四州縣

甲戌鎮守延綏總兵官左都督杜桐改征西將軍總兵官鎮守寧夏南京前軍都督府僉書朱先為總兵官鎮守廣東先辭老命新銜致仕改用浙江總兵官侯繼高

丙子山東左布政使萬象春為右副都御史巡撫山東

刑部左侍郎呂坤疾去

丁丑吏科給事中戴士衡劾葉夢熊呂坤孫鑛等而給事中

劉道亨謂閣臣張位疾士衡以報孫在揚也位跡辨

壬午巡撫遼東兵部右侍郎李化龍罷

丁亥太僕寺少卿張企程疾去

戊子予故大理寺卿張 祭葬

己丑山東 布政使張思忠為右余都御史巡撫遼東贊理

軍務兼覓備倭

時久旱運河澁而河又決義安東壩總理河道楊一魁議浚

黃壩口及上歸灣活嘴以受黃水救小浮橋泗上之涸

庚寅封魯王壽鉉通安王朗鐸建寧王謨堂蒙陰王帥鉞鄭

西王常湖福山王器瑛清源王器延汝寧王在塗

五月初朔分守西寧署都督同知達雲為靖副將軍總兵官鎮守延綏

癸巳總督邢玠議調川東施州衛酉陽石碛土司邑梅平茶二長官司湖廣永順保靖土司兵萬人不足再調叙瀘馬湖所轄土司土婦奢世續兵分三營令叅將吳文傑等分領之臨沅總兵劉綎提督漢土官兵禦倭總兵官川東道副使王士琦監軍進叅政乙未南京太僕寺卿余一龍疾去

辛丑茂州保縣地震

甲辰建州衛都指揮

等入貢

戊申撫治鄖陽馬鳴鑿乞停礦不報

己酉上御午門宣延綏之捷

辛亥叙延綏功進總督李汶太子太保賜金四鎰幣四雙飛魚服一襲巡撫李春先加右都御史廕錦衣衛試百戶世襲金三鎰幣同麻貴都督同知廕本衛正千戶金幣同餘陞賞有差惟石星不叙

壬子進趙志臯少傅兼太子太傅建極殿大學士廕尚書司

丞張位少保兼太子太保吏部尚書武英殿大學士沈一貫
太子太保戶部尚書武英殿大學士各廕中書舍人賜金幣
福州饑民諠掠巡撫許孚遠柳永價商民相持尋定

六月申朔擺腰台吉借款犯邊總督王世揚以聞

丙寅國子祭酒李庭機為少詹事兼翰林院侍讀學士克正
史副總裁南京右春坊右諭德周應賓為右庶子兼翰林院
侍讀纂脩正史翰林院庶吉士朱國楨服除為檢討

癸酉予故應天府尹王鶴祭塋

丙子誠意伯劉世延釋獄命還青田世延仍居南京不去

右軍都督府僉書都督僉事陳霞為總兵官鎮守臨沱
陝西木沙札來等族番人章合爾節等入貢

戊寅皇極中極建極殿災諭脩省初丙申三月兩宮災誠意
伯勳衛劉世學知象緯曰火氛尚未已也至是起歸極門延

葬皇極門等殿文昭武成二閣周廬俱盡

庚辰閣臣請停開礦皇店

癸未張位等請暫停纂脩正史先是開局於皇極門兩廡被
燬所撰各帝本紀皇后本紀各志俱就郊祀廟祀典禮樂律
天文曆法宗藩學校選舉職官經籍賦役貨幣漕渠鹽法軍

政兵制馬政刑法郡國九邊志凡二十二方事列傳其類二
十六揚徐滁陽之三王 高祖之十七王 成祖之二王
仁宗 英宗各四王 憲宗之三王外戚洪武之功臣諸臣
建文諸臣永樂之功臣諸臣洪宣諸臣正統天順諸臣景泰
諸臣成化諸臣弘治諸臣正德諸臣嘉靖諸臣隆慶諸臣又
理學文苑循吏高逸孝節亂逆權倖方技四夷

談遷曰往脩正史時取材於玉堂餘無及焉其簡用已歷
又陳文憲捐館舍主議虛無人因栢梁之災乘之以鞞筆
余嘗讀典禮河渠兵制諸志及本紀列傳間見數首多蕪

率望之靡、然業肇筆彙類以從或異才出而潤色之亦
云幸也 倏焉廢閣諸稿散佚抑新建輩妬其成謂不自我
始耶

左春坊左庶子兼翰林院侍讀劉應秋為國子祭酒

甲申遣勳臣告災郊廟社稷

許吏部左侍郎孫繼皋引去

鎮守陝西總兵官劉承嗣為南京前軍都督府僉書甘肅總

兵官王賦業為右軍都督僉書

己丑翰林院庶吉士劉綱以屢災宜寶圖脩省語侵趙志臯

不報後內計落職死公論惜之

談遷曰詞臣固緘默善事殿閣駸、叙進編秩如貫珠此其事甚明也劉綱易其言侍郎曾朝節以察處迎附絳灌疇不為效力者而今日劉綱果躁士不宜喋、沾、彼鄒智為何人哉奈何梳詆之也

工部請停陶器織幣不允

七廟寅朔雷火燬黃花鎮臺垣械器

壬辰吏科給事中

劾張位所言開礦皇店為遷就容別

簡階臣不報

癸巳戒諭百官例御門視事是日命暫行於文華殿

巡按直隸御史馬從聘言近日太山崩相離里許請罷採礦

不報

刑部主事范訪言罪已之實令輔臣條奏時事不報

乙未予故太子少保協理京營戎政兵部尚書傅希摯祭葬

又故太常寺卿徐元春祭葬禮部言其賄敗乞寢之

設揚子江永生洲把總戎千人

丁酉詔曰朕惟嗣服之初蓋亦無時豫忘第緣歲積頗恃政

成兼以多病侵尋猶須深居靜攝郊廟闕躬承之禮朝講希

臨御之時喜怒有失其平用舍未歸於當章奏每滯官曹平
虛忠言寡聞民隱莫達方隅多故兵食之征調日繁營造又
興開採之征求四出加之旱乾水溢析民室冢汚吏貪官朘
民膏血叢此人怨屢干天和六月十九日皇極等殿被火震
驚寢宮煨燼曾幾何時正殿崇巖又復罹此震驚列聖憂感
慈憐踏地跼天靡所容措况一人臨御之地乃萬國衣冠
所歸天意若斯朕實不德茲已虛中籲禱痛加艾懲祓志改
圖誓從今始嚴勅庶位各獻忠猷惟天視聽在民惟民歸依
在德爰稽典制特布詔條庶藉有衆之懽以回皇穹之眷銷

咎徵於已往迓福祉於將來所有寬郵事宜條列於後云云
於戲我國家忠厚比於行葦舊德弘深余一人警戒切於苞
桑新恩普被式慰渴懸之民望仰承仁愛之天心敷告四方
咸宜知悉

時大臣循例自陳惟刑部尚書蕭大亨侍郎朱鴻謨都御史
郭惟賢詹事侍郎劉元震京營都御史李春先順天府丞劉
士忠疏不下閣臣請簡發不報

司經局洗馬鄒德溥削籍初籍霍文炳宅一區瘞金五萬五
千有奇德溥門生王良材偵知之同德溥儼居而分之至是

東厥以聞。巡城御史。况上進論其偽。學盜臣遂德。溥方命主。試應天。被斥。仍追入其背。

壬寅 孝安皇太后小祥。輟朝。改御文華門為常。

癸卯。進總督李汝。太子太傅。叙去秋九月敗套。功餘陞賞。有差。

甲辰。夜熒惑犯歲星。

丙午。翰林院侍讀朱國祚為左春坊。左庶子。仍兼脩撰。右春坊。右中允。兼編脩。郭正域。葉向高。並為左諭德。兼侍講。國子司業。方從哲。右中允。唐文獻。並為右諭德。兼侍講。編脩。全天。

叙為左中允。簡討蕭雲舉為左贊善。俱兼官如故。

戶部右侍郎周思敬為左侍郎。左副都御史張養蒙為戶部右侍郎。

左軍都督府僉書。署都督同知蕭如薰為總兵官。鎮守陝西。逮陝西開礦百戶劉議以詐偽騷擾也。

庚戌。遼東西路副總兵。署都指揮僉事趙夢麟為平羌將軍。署都督僉事鎮守甘肅。

辛亥。北場提調官例順天府丞時劉士忠。跡自陳。未下。改太僕寺少卿孫瑋。

丙辰總督邢玠計拘沈惟敬命下獄惟敬在倭將呵哩馬女
令王桂華芳雕偽印上表又遺閔白金珠駝馬閔白荅曰爾
獻方物具見恭謹

丁巳南京通政司右通政孟一脉疾去

戊午巡按直隸御史周盤言脩省之實郊廟必親朝講必舉
正儲位收礦使起罪廢貸在互補關官發章奏出帑藏止採
辦御近習戒織造不報

是月荆門州黃陵陂左山高數尋一夕失之為平地

庚申翰林院庶吉士朱延禧黃志清南師仲陳之龍何宗彥

劉綱趙用先孫如游鄧士龍顧秉謙為編脩檢討劉餘澤為
科給事中白瑜俱祺為監察御史

巡撫湖廣右都御史李得陽疾去

壬戌京師雨雹

丙寅趙志臯入直請冊立冠婚復常朝皆不報

九月丑朔翰林院檢討李騰芳言安攘一事足戰守重內地明
賞罰假將權練京兵積留餉破久法祛宿蠹不報

壬辰石星下刑部獄

趙志臯請設天津登萊撫臣特遣御史監軍從之

乙未遜將楊元下經略罪之

吏部尚書蔡國珍三年考滿進太子太保

戶部左侍郎周思敬卒予祭葬

丁酉起陳璘副總兵以廣東五千人援朝鮮

戊戌翰林院脩撰焦竑上皇長子養正圖解

浙江道御史陳效監軍朝鮮紀功

山東右布政使萬世德為右僉都御史海防巡撫天津登萊

辛丑法司會訊石星擬戍上以私庇刑部尚書蕭大亨奪

官廕白棟削籍餘奪歲俸遂論星隱匿軍情失誤

律論死妻子永戍石星東明人嘉靖壬戌進士自事中隆慶三年直諫廷杖削籍後居本

非其任也

壬寅鎮海清永等分犯官軍屢卻之斬百七十餘級

勞總督李汶等金幣總兵達雲實授都督同知姜可嘉署都

督僉事

癸卯謚肅府會寧王縉劾曰恭懿

乙巳巡撫山西右副都御史魏允貞以織幣踰限奪俸半年

戶部右侍郎張養蒙兼右僉都御史督理東征糧餉

戊申浙江副總兵周于德提督天津登萊旅順防海禦倭總

兵官

庚戌時倭入朝鮮公州犯稷山副總兵解生中等拒卻之叅將彭友德等追至青山共斬百五十二級經理楊鎬馳赴王京擊斬二十九級倭少戢

癸丑太監陳增劾福山知縣韋國賢阻撓開採逮下獄巡撫萬象春奪歲俸明年國賢削籍

逮天津兵備副使許守恩邢玠議脩海舟守恩不即應且言海運不可行海舟不可用故被劾

丁巳兵部署部事侍郎李楨言禦倭事守王京禦漢江備旅

順防登萊聯海岸烏嶺 上是之

十月初文華殿頒曆詔兢鴻臚寺卿張棟罰俸三月序班羅

曰衷等下刑部

癸亥趙世卿為戶部右侍郎總督倉場張孟男為南京戶部尚書南京禮部右侍郎楊起元改南京吏部右侍郎

先是總督漕運褚鈇論徐州管河判官程潮沛縣主簿強性寬而總理河道楊一魁言可用鈇因乞罷不報

丁卯右諭德唐文獻疾去

壬申予故太子太保兵部尚書史道祭葬

翰林院編脩吳道南直 皇長子講讀

甲戌叙廣西岑溪七山功進陳大科右都御史仍總督賜金
二鎰幣雙戴耀兵部右侍郎仍巡撫金戒一幣餘陞賞有差
丁亥吏科都給事中劉可楫言御史始差引奏回道考察制
也頃者楊俊民換差之說行廢其制乞切責俊民不報

十甲戌子朔祭故南京吏部右侍郎習孔教孔教字 廬陵

人隆慶戊辰進士選庶吉士授檢討忤張居正會星變察
處府佐劾免後薦起南京 部郎中歷諭德署南京翰林院
憂去起少詹事歷禮吏部右侍郎俱未赴

辛卯順天考官中允全天叙脩撰焦詒皆陪推也徹棘有異
議 科給事中曹大成參貢士吳應鴻汪泗論曹蕃鄭茶等
謂詒與分考官何崇業賄通詒奏辨皆天叙所取士臣惟取
曹蕃天叙亦奏辨

癸巳巡撫宣府右僉都御史王象乾加右副都御史

甲午故工部尚書楊元孫新芳與叔汝業爭產訐其通夷不
法及侵尅軍餉百萬奢僭 上遣官沒入之奪誥廢并逮沁
源知縣方簡趙志臬揭救不解

壬寅邢玠以倭駐釜山請徵兵十萬歲餉八十萬石派朝鮮

十萬石部覆從之

逮前吏部文選員外郎蔡應麟以方簡詞連其受賄也

甲辰吏科給事中劉道亨論禮部儀制郎中張世才賄差京考李長庚賄得鄒德溥策一道與應矢雷同天貢士吳應鴻等或冒籍或關節或疵謬皆不糾參宜議處世才奏辨部議調用

丁未予放

副都御史侯于趙祭整

十 丁巳卯麻貴進攻蔚山游擊擺賽以輕騎誘倭入伏獲四百餘級倭悉走島山築三砦

庚辰我攻島山游擊茅國器以浙兵先登連攻之斬六百六

十一級倭堅壁不出島山石城而固我仰攻多傷第據水道

困倭旬日倭饑甚至嚙紙我發礮輒命中而急倭佯約降緩

攻而行長來援又慮我襲釜山也選銳三千人列幟江上

協理京營戎政左 都御史李春先致仕

癸未陝西按察使尹應元為右僉都御史巡撫山東

乙酉京師地震

丙戌賜故禮部尚書章懋祠曰崇儒巡按浙江御史唐一鵬

言之

是年隴川宣撫司多安民叛歸平緬故鎮撫林承恩
雲南大侯州叛酋莽廷瑞平改土為添置雲州

書